

兩浙輶軒續錄

兩浙輶軒續錄卷十六目

張師誠 陳之綱 陳慶槐 趙魯榮 戴敦元

王世纓 趙翼炤 張樞 項墉 胡應瑞

馮念祖 俞廷藻 張曾稷 丁維時 鄭荏

蔡調元 阮文焯 鄭萬育 汪阜 錢師曾

黃孫瀛 許學會 顧鏞 王星慶 周汝珍

柯鰲 陸震東 蔣燮 曹祖誠 吳心恬

范廷甫 許乃嘉 陸素生 黃愷鏞 錢一桂

沈朱點 程遠 童鳳詔 王溥 文正

陳秋水 孫錫 朱瑞椿 葉紹桎 蔡之定

王紹蘭 項國枏 程蘭 龐承福 管升

周曉 楊懷棟 戴玉度 丁承先 邊朝京

蔣若簡 章 典 張元啟

兩浙輶軒續錄卷十六

督學使者潘衍桐訂

張師誠

字心友號蘭渚歸安人乾隆

縣志師誠性警敏縝密精審洞悉利弊清操自勵不避  
怨不沽名故所至輒辦自官兩司侃侃陳詞及任封疆  
力振委靡政事甚美署閩浙總督時巨盜蔡牽朱潰劫  
掠閩浙粵三省師誠廣設方略遣總兵斃朱潰於粵省  
之長山尾洋復親駐廈門申嚴軍法與提督王得祿窮  
追至黑水外洋焚其舟牽自沈死既而朱潰弟渥率眾  
來降七千三百餘人師誠開以恩信由死改戍者不計  
其數閩浙以安著有省錄室全集十六卷拜賜存稿十

卷二

李靖舞劍臺歌

田盤萬仞高龍從天矯屈曲森萬松東甘西甘瀉飛瀑上留  
古剎傳衛公西有盤陀一片石舞劍矍鑠矜英雄憶昔三原  
盟壯志素薄章句喜奇功始從秦王列三衛一戰遂定王世  
充江陵蕭銑夔州冉後先撻伐驚孝恭荆郢初平雨露浹江

漢爭下風雲從席未遑暖公祏起舟師三萬丹陽攻西定吐  
谷北突厥邊陲百戰勲尤崇韓白衛霍何以尙奇績悉數殊  
難終最後選將征高麗植柱肯讓文淵銅至今英氣猶懍懍  
徘徊臺下披雄風棠溪墨陽憑拂拭霜鏐冰刃經磨礱腰品  
佩觿鋒屢試鐵山積石行控縱唱凱歸來陟層阜四圍騁望  
飛殘虹三軍釋甲放牛馬獨賈餘勇嗟是翁嗚呼勇將今何  
在空餘卷石薶煙叢磴道行行凌絕頂盤紆碕礧聲礧隆騄  
然秋風鳴澗曲英豪氣象開心胸耀武矚甲何足數愛此魂  
魄留遺蹤

奉呈程魚門先生

晉芳

白髮長髯坐整冠先生丰度迥清寒木天高足登偏晚石室  
潛心校獨殫競仰經師推鄭賈豈徒文筆敵蘇韓官貧常作

千閒底愛士殷勤徧浹歡

陳之綱

字旭峯鄞人乾隆庚戌進士官國子監助教著焚餘草燼後吟

縣志之綱嘗館盧氏抱經樓讀其藏書學問日富夙嗜詩古文詞稿毀於火晚年著焚餘草燼後吟其詩直抒性眞法式善陳慶槐諸人皆推重之

同張雲友柯東平游西湖

十年夢西湖恂怍得其意攜友出郭門晴空豁秀異秋水彌  
澄清秋柳亦妍媚行行恣冥搜蒼茫見古寺寺後倚名園飛  
閣山巔置微風動桂林別院聞香氣徘徊興未闌暮色自遠  
至綠煙聚作雲細雨溼空翠隔隄呼小舟舟駛湖光碎

宿小溪陸氏山莊

夕陽下喬木客至啟柴局攜僕尋山果呼兒獻草亭人無食  
肉相家有種魚經待月樓頭望峯回在澗青

法梧門先生袖詩過訪賦此志謝

落日挂簷楹閉關恣幽討僻巷車麟麟歡迎屣忘倒袖詩出  
相見慷慨哀吾老巍然人倫師忘形敦夙好汪汪千頃波豁  
爾廓懷抱菊籬酒已闌松閣飯尙早來詩有不飲菊籬酒清  
要餐松閣飯之句  
談良多時毋乃枯腹稿先生笑謂予茗飲吾旣飽揚芬託古  
歡千秋緬直道

陳慶槐

字應三號蔭山定海人乾隆庚戌進士官內閣侍讀著借樹山房詩鈔八卷遺稿二卷

李長庚

序略蔭山詩抒寫性情胸有所觸輒伸紙濡墨傾吐于五七言中當其神來興發煙雲變滅不拘故常

而動中規矩能兼唐宋人之長而卓然自鳴一家

董沛曰先生詩清超雋永撲去俗塵同時名家若張船

山趙味辛洪稚存朱少仙桂朱谷諸君咸相推重亦一時之傑也

孫德祖曰先生詩西巖忠毅公會刻之且爲之作序忠

毅一代儒將星耀南天傾倒先生至此則先生之爲人

亦可  
觀矣

夏孝女

吾邑紫微莊人

南山下夏氏女年十八以孝著父禮和老無子叶與人訟事涉賭詞多誣縣官怒官如狼吏如虎索干緡父不與與五百吏不許死於吏死於官死於溷女哭之摧肺腑女有母有庶母叶有從兄兄也魯父屍寒父骨腐官來驗吏作忤來來來視妾父父何辜妾何怙壻范生來焚楮女伏苫淚如雨不報讎忍歸汝身未入范家戶足未踏范家土生死別此一舉朝出門暮擊鼓訟諸道訟諸府訟弗克訴巡撫撫飭道道飭府訟弗克女髮豎妾入都控刑部母曰嘻女太苦謂庶母母不語謂從兄兄色沮女曰嘻天與祖父何辜妾何怙是月也天大暑女往返郡城七省城五至是病力猶努重束裝具舟舫

日風餐夜露處次西興病不愈齎志歿於逆旅歿之夕目瞪視口血吐吁嗟乎女誰伍西興潮南山石其千古

蒯通墓

在都城廣渠門外八里莊

漢王嗜殺功高臣蕭相那解哀王孫通也旁觀明若鑑毅然獨相韓侯面韓侯之面只尋常反面看之匹漢王重瞳一刎楚已矣隆準居然作天子不知隆準有何貴可憐絕好韓侯背時乎時乎不再來弓藏鳥盡空悲哀呂雉殺人稱老手不殺焉知通苦口干通何事抵死爭此身竟爲韓侯生漢不烹通偶然耳此心早爲韓侯死韓侯韓侯死有知不朽感同漂母慈君不見八里山莊一抔土夜深鬼聚沙中語

雨中次桃花寺

新泥滑滑路盤盤古刹連雲欲上難春雨偶從行帳聽好山

卻當故人看鐙明如海搖羣宿旗溼因風捲暮寒苦憶小園  
深巷裏落紅堆滿石闌干

黃新莊

看飽蘆溝月行旌駐遠郊日高烘溼瓦風急墮危巢官柳綠  
無縫野花紅到梢層城屹如畫一抹翠煙交

陸賈

祖龍焚書隨火滅火滅煙消楚漢出學書只解記姓名羽也  
重瞳丁不識沛公驅馬關中來帝業安用詩書爲溲溺儒冠  
厭儒服大風煽動秦阬灰秦阬灰死不敢動陸生一言九鼎  
重馬上原非南面才眼前誰識東山孔刀筆之吏不讀書高  
陽酒徒深諱儒毅然獨請法先聖一身肝膽驚庸愚殘編斷  
簡出煨燼能使遺文復彪炳當年不上十二篇敗也忽焉秦

楚等楚騅已逝秦鹿烹漢家宏我東西京石渠虎觀談經日  
一瓣香應祠陸生

五月初二夜賊入張船山檢討寓齋盡卷壁上書畫去  
作歌賀之

船山嗜古早成癖船山食貧如食檠顏帖空將米乞來阮囊  
不辦錢充積冷官清俸能幾何盡買圖書懸屋壁圖書作祟  
勝狐鬼錢神鼠竄臙神戾主人興酣手自摹醉墨淋漓潑几  
席有臂但與古人交有耳甯聞室人謫謫聲夜半達天閭帝  
遣狼星降其宅焚硯燒琴事或同電馳風埽去無迹詰朝執  
簡報同人蔭山居士喜盈色古來失火必書災我輩長貧亦  
何益賀貧羊舌賀火柳畢竟強詞費口給何如割愛付偷兒  
勝作送窮文幾冊偷兒替送船山窮攜入五都輕一擲從教

墨氣化金銀得意莫忘前夜賊

楊椒山先生故宅

今爲松筠庵

不愛身家惟愛國誰知國法縱姦邪  
獄成愁養傷人虎膽大甘爲抵死蛇  
諫草千言殊激切忠魂異代尙咨嗟  
一龕香火松筠碧炸子橋頭獨駐車

太息君恩自始終生除兵部死旌忠  
敢言馬市心原赤愛聽鴉聲耳便聰  
先生有平生最愛鴉聲好之句  
狄道至今還頌父張經何事亦關公  
笑他相府新堂構瓦礫荒涼夕照紅

題陶篁邨詩冢

詩星大如月歲久忽墮地流光照九泉  
才鬼踉蹌避青林黑石閒時吐白虹  
氣迹之不可得孤墳沒草際誰築此一抔  
知爲陶令裔天遣葬花骨馬鬣手題識  
要使千載下人琴長附

麗每歎長爪郎不幸嘔心斃心血化爲磷錦囊投溷廁韋氏  
浣花集半遭兵火熾工詩乃益窮殘稿亦爲累我輩尺璧珍  
世人芻狗棄何如付一邱入土百無忌地下多修文或知甘  
苦味昌歎與羊棗有口冀同嗜曹瞞一世雄疑冢七十二橫  
槩富新篇反令無位置從知曠達人胸次迥然異昨聞生墳  
成遠枉郵筒寄君對西湖吟我望東郭祭將以詩殉詩本無  
諛墓意郢斤尙難施可作退筆瘞

暮春雜感

章穉作儒服瘡樸追古初佻達滿城闕卻笑青衿迂時俗有  
好尙效顰到吾徒堂堂衣冠客優孟同步趨頽風力難挽獨  
行成眞儒往者天津橋杜鵑聲喧呼別有鸛鵒鳥濟水終不  
踰

慈谿鄭節婦詩

相夫五年苦無子生子七日夫不起夫不起兮妾不知妾得  
知之蓋棺矣此時妾生不如死回顧堂上親白髮垂兩耳俯  
視懷中兒呱呱泣不止何況小姑小郎踵接肩比逋負如山  
家業如水此時之妾無死理妾不死將何如典我黃金釵鬻  
我紅羅襦有冰可飲檠可茹先畢婚嫁償諸逋望子成立親  
歡娛親歡娛子克肖姑謂吾婦賢且孝族黨聞之無閒言良  
人地下應含笑乾隆五十一年歲丙午婦歿已閱六寒暑有  
司具狀申大府獲邀

旌典光門戶婦氏張家在鄞其母氏施父曰斌其夫鄭姓竺  
名慈谿人子勳今以孝廉方正聞是爲秦川先生五世孫

與同學諸子論詩作

吟窗信手學塗鴉誰解評詩似品茶茉莉香多茶奪味有人還拾唾中花

隋宮樹樹綵爲花絢爛春風整復斜畢竟象生生趣少輸他芳草滿天涯

楚咻齊語土音譁桃李松篁雜苧麻爲報詩人須識別靈心好結自然花

趙睿榮

字秀能號菑畦東陽人乾隆庚戌進士官江西德化知縣著梅木山房詩稿

樓上層序略菑畦父儀軒先生積學能文敦行卓識詩淵湛超雋菑畦源本家學考證器數不炫博研辨理趣不恃奧鬱積沈痛不易爲也

恩普序略余嘗語菑畦曰讀君之詩令人崇佛廉讓之心油然而生無愧爲風雅人也

袁禮城序略菑畦明習吏事所至緣飾儒術士風丕變獨能辨義利不欲以捕盜遷官可傳者豈獨詩哉詩不專學韓五七言近體蔚秀淵亮清深研妙不爲一格大抵真志內章和音外洽去弁洲北地之矜豪而擅摩詰

長卿之  
勝致矣

辛從益曰蒞哇天性敦厚而邃於學與之道古及時事  
所見恆出人意表其居官善體物情有政聲宦閩後詩  
益清老雅健  
入古人之室

### 吳越王鐵券歌

東南半壁天側垂十四州地團如箕斗牛王氣夜爛爍挺毓  
尙父雄江坻石闌兀坐用軍令威武鎮壓羣兒戲有唐凌夷  
沸海縣果頭屈栗鑿淮畿三郡節度仗戈戟豆分瓜剖紛開  
基合淝英雄三十六南平南漢川原披此時才豪八都長異  
姓王拂雲雷旗殺宏誅昌懷一劍竭巡冤氣伸鬚眉吳越單  
封遂拓土桓文駿烈甯難爲帝曰唯汝率貢職此道劇可風  
四維用敕禮官鑄鐵券鑄金成字騰蛟螭突如弓彎月吐魄  
偃若瓦覆盤彈碁三百卅字耀勳閭鎮撫用絕乾坤陂禹臆

周鼎足奇瑋漢盟秦碣從撐持錦衣山爛錦衣樹一王駟馬  
風差差腰鼓城懸奠羅刹壽石封啟淩朱堤保大改元振鐘  
虞羅平歇燄恬妖鴟勁弩三千射潮水箭激直劈江濤低厥  
後百年見真主納土綏綏攜姬妃子孫世守謹封護韞匱不  
異函江龜淳化元豐兩進御光彩高燭天子墀夢索臨安啟  
天寐迫思南渡張熊羆崖山海濤汨陵谷此券暫濺官河湄  
呂師張網集巨口一舉燦若天霞摛兵屯臨濠有九有平胡  
取蜀登龍夔廣封將佐念典物詔取唐制眞吾師有孫尙德  
再拜獻賜還當陞隆恩施章安石梁亘霄漢芒耀高欲淩煙  
飛侍臣邱岳大手筆鋪辭海甸驅荒魃高青邱宋潛岳俱有詩三百年  
來天運啟

大清定鼎光軒義

南巡壬午春正月我

皇普賜恩威丕五色文來海國羽一角馬貢金天雖維臣陳  
羣大司寇率族曰銓慎其儀恭呈鐵券

喜動色文鐫櫝蓋濡天池況乃

聲名徧六宇普天鳴吠無驚疑列爵詎有不庭授東折若木  
西崑西陡然

軫念古勲舊時享月祀

皇風綏懿此得非表忠孝義高碑觀倅書詩回首槽溪赤城  
野

堯文義畫高當楣傳之萬古炳臣極英風煌赫西湖祠

平臺灣歌

皇帝駿庸光皞義肅將神武遐不遺上承

列聖指疆土萬國來賀基丕丕閩南有地海中島夙不庭授  
區番黎秦碑漢柱迹詎紀日月怪燭龍夔螭半壁前明沸海  
縣僞鄭盤囑紛鯨鯢縱橫廣袤二千里蛋船蠻舶相因依鏢  
鉤短刀獵海馬磯魚山豨麥粟肥走駕潮汐迹浪漫截九有  
外剽荒畿

天申我

朝定神鼎爰整旅速雲雷馳倉黃解甲乞歸命走險不鋌窮  
猿栖越籍版圖廣覆載用郡縣置波天池職納蔗餽賦琛帛  
偕俱鵜蝶來東西蠶茲草竊逞狂味欲決藩出其角齧櫟牙  
彰城鸞狐鼠窟林闖竇紛黷黷偵伺澎湖踞窟竄港源襟帶  
山嶽嶽於時官弁急逋逐視之有若枯骸齧結屯塹濠直前  
逆徑滅莽颯風淒淒突如蟻豕一羣出垌野式自嚴履狶大

吏繕疏此入告塵兀不動煙披披誓歸巢窟展

光化罔有外內游康達

皇帝曰吁朕御宇有征無戰拓四維天山歸馬越獻雉一螳  
蜋臂將胡爲徒自毒螫就菹醢攫俎豈足煩縈微桓桓我軍  
敬

王怒大將鐵立當

赤墀就九軌道擊雷鼓隨五花陣揚風旗樓船不數會稽守  
水甲直跨句吳犀郵籤剋日廈門渡天吳海若前酣嬉扶桑  
捧輪颺節角月三捷預天一涯往者目懷兩番社黯黹後壠  
旄以麾顛崖仆谷黜槃血乍飽饕餮旋自罹矧迺將軍信且  
武簞筐踴躍隨率師雞籠山高虎旅嘯鹿耳關峙狼煙飛古  
稱劍璫肅違傲克厥愛濟惟

皇威并幹跳蛙澗蛆蠹彼戈自倒奚逃追夙維

廟算軼隆古會圖蛩距戲窮奇率以德服非武競獸兆一角  
木合枝顛當有門竟何恃懷敵萬里從赫斯大軍一呼士蠶  
涌踰鬼方入其阻罌碯礮投奔赤雲合竄生竹塹煙四迷翻  
身欲逸浩洲渚噉姦度宥恬顛湄活縛小醜磔諸市逆脰轅  
繫囚纍纍揭示政典網匪密石焚玉以隆璋珪凱歌自南振  
鏡鐻夾道劇劇鳴黃鸝兵番泥首懇伏

闕

殊賞頒給官有差獲嘉聞喜又焉道縣旌嘉義耀南離遠款  
來臣暨八表扶餘呂宋倭渤泥遐哉盛烈邁前載州十二外  
咸勒羈占風測景肇

壽寓悉

主高厚歸航梯長歌一曲拜手賀敢告萬萬世臣子方以無拂朝雍熙

雜感十七首  
錄四

干將雖云利補履不如錐獅象雖云猛捕鼠不如狸小大各異用取舍貴因時世無通變材安能概所施有道長貧賤攬鏡空嗟咨

人事有盛衰天時有寒燠今日邱墓墟昔日絃歌館賓從方填門華筵倏分散雖有刎頸交相對成白眼恨乏牀頭金招徠此鷹犬

名節有常伸志士不自貶如何彌留時有子尙教諂誰知千載後風氣日漸染營營名利場相戒避拘檢附火心自熱就屢足將剡奔走學僮僕媿嫻類宦闕驕人向白晝死而不知

忝誰為室其流頽俗或少歛空谷有佳人寂居戶常居

龍門有孤桐結根在巖谷亭亭百尺姿挺挺出塵俗鳳鳥翔

其巔鳴聲和相續知由託體高本性無回曲甯為葛藟縈攀

附謝眾木翠葉蔭森森清風滿林麓

邑民顏姓者聘於林既問名矣林母以其貧而悔之並

訟之官余令顏具金堂上成禮而歸賦此以代催妝

放衙春色點花叢偶坐堂皇作婦翁雲髻乍添山案翠繡襦

還照淚波紅定知庶士能求吉誰道金夫不有躬顏姓醮金

議始得成禮其母珍重添妝裙布意勞勞婚宦此心同內子

方揀金不暇也

花數事  
遺之  
續紵謠

黃鸝樹上鳴啾啾村中少婦提筐來澗泉新汲不冰手一痕

細颭春雲堆儂家住山種山苧及時漚向東門渚絲絲入手  
心共牽似儂千頭復萬緒千頭萬緒繙無端布穀聲中春已  
殘爭說羅紉稱體好那知尺寸上機難山鄉是處憐磽瘠深  
閨也自生涯窄地不宜桑更不棉祇應纖指拈晨夕指頭一  
縷能幾餘女嘯索袴兒索襦枯蘗燃作夜窗炬怪他海畔游  
奔鯨盼到絲成織霜素兒兮女兮著何處盈箱滿篋輸向誰  
昨日販人鄭州去

詔建故明大學士張忠敏公祠紀事三十韻

祠闕巍巍起婺東勝朝臣節

鑒

皇衷

乾隆丙申

命祀明代殉節諸臣以公保障巖疆支

御製詩文

傳於祠墓

鐫立碑石祀留殉國諸賢後義炳顏庵兩字中憶自大科懸

北斗久知名世振南宮五羊奏刃嘉民望萬口銜碑達帝聰

逐雀威彰鷹刷漢批鱗聲翾鳳棲桐雲高軍府牙璋集露潤

河渠漕節通白水貞心盟采石青山逆脰載囚輶旌旄聿簡

兵樞重綸綍新承政殿隆目斷烽煙資廟算力追方召志車

攻豈期蠅合盈莪豸遽使狴園速遠鴻歸去簽丁聞故土傳

來擁甲待元戎殘陽舊壘堪回首寸草西園尙掩蓬

公家有東園西

園黯淡赤城迴劍戟倉皇朱室檄孫熊符飛瘠郡千家雨潮

咽寒江五月風樓斯翼甲公詩有檄片峴他時容淚落扁舟

何處竟途窮早判碧血尋萇叔肯向黃冠問信公

東林列傳大兵破

義烏公曰身爲大臣誼在必死及兵抵策皖有誠光嶽瀆撐

天無計泣沙蟲王阮亭詩四鎮髮摧壯歲凝霜素

流賊犯桐城官軍覆

沒公方壯年鬚星竇危礪入夜紅

邑志公死之前夕有星殞地祲大如斗又邑城外有

髮一夕盡白

南南北北磬烈烈睢陽門第在茫茫瓊海古今同卽看九死身騎尾

眞信平生氣作虹疏爲量裁憂杼軸隄成襟帶互穹窿著書

匹手提衡富憐士虛懷啟幕崇嘗引吳中名士顧麟士沈眉

沈至京卽劾楊嗣昌父子誤國放歸江南擢嘉定諸生黃陶庵采風第一率先禮之遂知名已果以在籍進士死國難

堂記遂初開豁間公讀書白雲洞錄餘從諫勵淵冲均田績

沐花封懋泐石勲教梓里龔定是孤忱垂汗照況當流澤徧

春融分將挽日彌瞻吧詩取循陔可置筒荻畫敢忘移孝指

泉臺猶戀潔修充完人一卷題奚愧朱竹垞跋楊介維所藏十五完人墨迹公其一

也絕命三章讀未終見公集一報國立頑廉思載德煙消

霧斂仰乘空長覩廟食精靈格奕祺銘

恩式勸忠

墓燈有序

東陽俗上元插鐙於墓蓋不欲死其先人之意也余  
生三十八月而失恃今三十年矣窆在石山之陽去  
家僅二里許雪宵鐙躬拜墓下泣然流涕賦以志  
哀

火城閃閃開黃昏三家兩家歌聲喧黯黯血碎北邙道一夜  
飛出千青燐我生五歲慟何恃號望里屋天無雲藤枯松老  
今卅載竹鐙躑躅提荒原朔風吹鐙鐙落燼雪花撲鐙鐙欲  
殢空山月黑灰雙屐飛絮窱地俄紛紛頻年蔬黍動乖隔色  
思杳莫追生存就令寸草逮今養詎謂遐載方松筠胡爲遽  
作長臥人蒿萊半畝三尺墳南陽開道竟何及楮錢不熟泉  
臺溫淚盡歔歔歸里門但見煙燄明山村狐噪鵲噪了不聞  
吁嗟墓田一寸燭長在孤兒心上焚

戴敦元

字金溪開化人乾隆庚戌進士官至刑部尚

書協辦大學士諡簡恪著簡恪遺集八卷

吳鍾駿序略公早歲通籍入詞垣改官比部哀矜庶獄

刑罰必當外擢監司晉階屏翰所至有聲性簡易無城

府敝車羸馬惡衣疏櫛泊如也聰明天授過目成誦旁

及周髀宣夜之學少廣商功之術至若託興言志陶冶

性靈亦復神明輝

律呂緝采相輝

陳奐紀略公在豫章不數月清全省積牘四千餘件令

某素善公獲盜多名例送部公議止加級婉諭之曰吾

與汝固友善當積陰德于孫戕人命升己官君子弗

善也山西藩署向有陋規本官至僕隸分得贏餘謂之

釐頭銀兩公至則曰本官有養廉僕隸則豢養於官何

贏餘之與有由江西至京途次日餐麪餅六枚不下車

五更呼夫驅而行車子館

人莫知其為新任藩司者

得風

我行已數日日日更風雪天公如有意巧為行子設我殊不

自量欲以人力折淹遲竟依然坐歎吾謀拙今晨理行櫂澄

江如鏡澈錦帆相為開好風與提挈泠泠微卷舒颯颯漸掀

揭篙槩廢不施百里纔一瞥輕如駿馬馳速比流星掣逗留  
能幾時一朝食吐噎乃知造物心非強爲分別盈虧相循環  
吉凶由自掇人心有疆眡往來各殊轍大化縱運游恩怨何  
屑屑逆汝汝勿噉順汝汝勿悅舟人歡未闌俄頃北風烈

王家營

江南利舟楫河北習鞍馬土風有固然通方識趨舍我行當  
脂車僕夫諳者寡問價及駟僮驢券隨俗寫居奇權子母錙  
銖不苟且男兒薄錢刀意氣尙瀟灑斤斤計短長謂此非大  
雅一墮風塵中俗氛不可惹翻悔擇術疎不逐持籌者貨殖  
首程卓儒林述董賈美利孰單厚高明良虛假青田有飢鶴  
清唳振四野何如燕雀喧飯啄堂簷下躊躇意未愜漏斷鏡  
欲炮明發耿不寐疎月侵屋瓦河流聲泱泱此懷向誰寫

詠古

賈生甫弱冠受知於吳公洛陽多才彥一旦拜下風既赴宣  
室召前席達帝聰痛哭流涕書昌言驚羣豪豈伊書生見寔  
於時務通年少露英氣不爲絳灌容賦鵬寄情感弔屈悲途  
窮咄嗟司馬安委蛇卿貳中一歲九遷秩巧宦何其工  
竹生不盈尺已具千丈勢立志蘄同方養正貴初筮希文萬  
言書早定天下計二程十四五希聖輒自厲大賢風采殊蹤  
迹若合契古有爲貧仕斯道久已替高才苦抑鬱好爵遂縻  
繫三上宰相書未免意氣銳區區平津侯曲學但阿世

蘇季方敝貂范叔或解綈裋闔豈無才途窮靡所之溝壑且  
不免姍笑安敢辭一朝席鐘鼎轉盼成雲泥惜哉器局小竟  
爲世俗迷但令兒女子嘖嘖羨光儀舜榮不終朝華采能幾

時焉知王霸婦不羞蓬頭兒寄謝令狐子裘馬徒輕肥  
子房從赤松長源逐洪厓詎伊騁詭誕奚止外形骸天骨不  
偶世俗情寡所諧富貴如浮雲功名非我懷志定卻憂感道  
順無安排神仙豈不死吾生知有涯會心欣所寄寓迹聊復  
佳眇觀薄萬物躡步希天階韓彭不可致郭李難與偕餘子  
安足道碌碌猶井蛙

### 釣臺

統易紹先帝交難留故人名州亦多事垂釣竟終身天象許  
爲客雲臺無此臣逸民存舊傳東漢俗還淳  
捫蘿凌絕徑臺石本天成到此一回首悠然心迹清千重青  
嶂合一片碧流平歸路茫茫遠仙風送我行

### 富春江行

石尤風起雪花紛上水船輕去若雲我是急流無意者淹遲  
何事訊桐君

百尺灘高浪撲窗長年擁楫意全降書生不解風波險一枕  
清酣渡浙江

雜詩

太乙騎鯨汗漫游碧花瑤草不知秋青囊卻贈金門隱閒向  
壺天記十洲

星河拂曙露盤低闔闔門開綵仗齊咫尺蓬山喚仙侶五雲  
深處聽天雞

文字緣同許暫尋露蟬吟寂抱秋心白雲檢點閒邱壑涼月  
照人調玉琴

碧樹清溪深復深風吹解帶露霑襟雞聲喚起月亭午想見

空山太古心

杏花明處白雲重無際春光淡勝濃擔花道士不相識一笑似曾雲外逢

夏夜雨霽聽雲裳吹笛同錢蓮墅孫雪帷長歌和之

繩低河淺雲冥濛暑雨一洗蕉窗空卷簾滅燭散髮坐枕簟拂拂生清風彈碁握槊百不愜幽懷結約誰能融雲裳居士古靜者妙解音律遺絲桐一聲長笛劃然發杳靄疑與秋氣通初如軋軋機上絲細抽獨繭緒未終乍如纍纍盤中珠圓傾十斛光難窮時花美女格娟好長槍大戟聲錚鏦青冥寥廓動星斗碧海幽怨驚魚龍君山人去事終古仇池路遠山千重神來豈辨肉勝竹情寄直恣商與宮鉞砭俗耳此第一安屑銖黍隨世工新詞嬌韻恰相敵低唱惜今無小紅我聞

馬南郡平陽賦喁喁又聞桓子野胡牀弄恩恩昭華遺響渺  
天上柯亭妙質多塵封君侯身自有仙骨吐氣壘塊連長虹  
維摩天花散襟袂雲夢楚蘼羅心胸卽今作客千里外未乏  
賞音相與同同心難得兩詞客蹤迹暫聚如秋蓬唾壺擊節  
應聲缺塵尾入手高談雄嗟予未窺音樂奧乍聞天籟開塵  
蒙移情竊願託流水末響敢許吟寒蛩昭文鼓琴亦清越妙  
意都寓無言中何時從君返鄉里西湖風月浮煙蓬虎跑龍  
井幽絕處響泉屈曲流孤峰請君爲我吹一曲涼透葛衣傾  
碧筩

王世纓

字奕軒溧安人乾隆庚戌拔貢嘉慶元年舉

孝廉方正官遂昌教諭著集唐詩三百首  
緝雅堂詩話奕軒詩如碧苔一尺少人迹紅豆三升生  
客愁眾生已過千萬劫古梅初開三四花皆有奇思

負薪謠

春雨灑

馮著

春雨足

莊章

去去復淒淒

權德輿

輞川朝伐木

宋之問

來

往或自歌

上官昭容

歌聲苦于哭

歐陽詹

槿籬芳接近樵家

溫庭筠

斧

聲坎坎在幽谷

張籍

昨者輸殘稅

白居易

東枯樵指禿

韓愈

日糧

李羣玉

持錢向人卜

溫庭筠

兄勸弟耨妻在機

李紳

輸官不足

歸賣屋

元稹

趙翼

號一泉樂清貢官太平教諭

恩

朱壽保

日一泉

客錢塘懷古

詩多豪語如云錦石銷

沈楊氏

瑤瓊花

零落

褚家莊

又云龍鳳

氣歸

臨水

里雪

霜光

散射

縹緲

歸三字

獄艱難

共裏

十年

瘡痕

舊云

壚頭

淚落

黃

公酒

江上

魂銷

李白詩

即景

云官巷

客

吹楊柳

曲畫橋

人唱竹枝詞

皆可誦

錢塘懷古

南谷清樽古御樓鬱葱佳氣黯然收平橋翠石無遺甃夾岸

青娥異昔遊王會可能歸越絕仙韶何事按梁州只今夜月

涼如水不記金明輦路秋

張

樞字碧厓號蓀田又號穀翁錢塘巖貢  
著雪門西江朝阪台山城東諸集

題查儉堂先生重建黃文節公祠記

明年麥飯思老身宮車晚出天低昏臣民雨泣堯舜歿國成  
一旦歸頑嚚二惇二蔡柄鈞軸倡爲紹述膏長脣滿朝耆舊  
走嶺表大書黨籍災貞珉熙豐之際那可道流毒萬姓聲暗  
吞涪翁寶錄告萬古誣以謗史丞相嗔始竄黔州後龍水投  
荒直到天南垠蠻獠爲伍山鬼羣蜿蜒煙瘴雨摧羈魂欲歸不  
得輾轉死鵬鳥夜哭州南門公之直道死則仲叢祠報賽勞  
夷民風戕雨蝕六百載遺宮傾側龍溪濱廢墜修舉守土責  
建昌以後無其人今來太守古邵邨下車展謁心酸辛捐金  
伐木聚徒旅雕榱畫桷規模新作爲迎神送神曲以安侑我

公千春公身雖歿神則存猶應戀此歆明禋所歎同時數十輩祠廟大半荒荆榛既爲公幸復太息西風落日悲孤臣

滄浪書屋

名園易主蓬蒿翦勝概常教水竹環花底幾回迷出入城中

難得此寬閒符融詩句荒煙外嚴武尊罍夕照閒舊爲嚴顯亭司農臯

園符南竹先生少游舉園有寒煙棲木末活水齧城根之句徙倚石闌頻太息海棠如雪

點苔斑

項

壩

字金門號秋子錢塘貢生候選同知著春秋及草堂詩集

府志壩少以詞賦擅長爲侍郎倪承寬所知既而阮元謝旼昆秦瀛皆相引重乾隆庚子

純廟南巡獻賦

行在未幾與修西湖志其所輯錄深得史法

緝雅堂詩話金門往還多一代勝流嘗有句云清時閒賭酒小隱學投壺想見海宇承平朋友歡樂之象

題汪巢林梅花

崑山畫梅尙雄渾筆墨重滯人瑕疵此幅妙能踵用法翛然  
獨出堪冠時一榦孤撐若鹿角兩榦左右紛蟠攢昨夜春風  
嶺上吹大珠小珠紛錯落此中妙處最難言少不嫌疏多不  
繁正花一圈背五點栩栩欲活姿嫣然平生何處曾相遇記  
得孤山清絕處不然雪後竹西村臨水一枝香乍吐自慙老  
憊嗟頽唐驢背詩情付渺茫願懸此圖傍臥榻月明髣髴聞  
霓裳

胡應瑞

字西園  
仁和人

題堇浦嶺南集

水送山迎一卷收遠來情感寄書郵探幽謝客清吟慣錄異  
劉恂舊迹投躡月醉眠飛鳥上倚天長嘯海雲秋湖蓴稻蟹  
江鄉味容易邀君賦近游

馮念祖

字補亭海甯諸生著東游草補亭詩錄

白雲儔侶傳略補亭嘗館於吳中鮑氏才名噪甚其詩爲前輩孫淵如錢竹汀所賞

燕子磯

烏衣巷口舊相識冷煙蕪沒江令宅銜泥重問六朝宮臨春  
結綺無餘迹低徊不盡興亡恨飛向江頭化爲石寒潮噴醒  
往時夢一片斜陽啄春色

俞廷藻

字翰采海甯人著覆瓿集

海昌備志廷藻學有家法尤工真草書與從父班簡相亞

和成孝廉衛宗朗吟樓晚眺

暮倚危樓對碧川憑高遠眺白雲邊煙橫沙岸千重水風下  
輕帆一葉船野渡人稀村市散塞門霜重雁行連樓空何處  
尋仙迹未遇洪厓漫拍肩

題釀春亭

開得官衙半畝餘，小亭屹立四圍虛。  
窗延爽氣青山曉，戶繞清陰翠柳疎。  
晚榻罷琴來語燕，午欄落子散浮魚。  
知君非爲耽游賞，欲釀春和徧草廬。

張曾稷

字氏初海甯人著蘭佩集

夜宿陸啟仁西郊草堂

水閣清秋夜，涼風吹不禁。  
正當幽夢斷，忽聽候蟲吟。  
沙瀉潮聲壯，窗虛月色深。  
主人能愛客，相託百年心。

留別吳仲簡

交情久愈重，惜別幾躊躇。  
春酒愁難把，秋帆路轉紆。  
寒山喧落葉，蔓草沒孤廬。  
蹤迹無言遠，西風憶雁書。

牛將軍墓

將軍遺墓湖山上草黃露白寒風蕩熱血深埋五百年陰精  
野火神猶壯翁仲淒涼碑碣殘行人欲覓還惆悵松楸瑟瑟  
暮天空鶴唳烏啼迷去向當時鐵騎何紛紛萬里中原捲陣  
雲風波一失英雄盡至今空說岳家軍

### 湖上早春

落拓重逢歲事新鄉心迢遞越江濱愁中對酒甯辭醉病裏  
看花不當春長鋏笑誰能客我明珠漫自暗投人淮南桂樹  
年年發好去尋山伴隱淪

丁維時

字馭青嘉善諸生舊拙漁詩存

緝雅堂詩話馭青藏書萬卷丹黃不去手頗似吳兔牀陳仲魚一輩人書畫篆刻亦絕工雅惜不多見

### 柳洲種柳歌

柳洲亭畔去來波浴鷺眠鷗戲水多分外今年新漲綠參差

萬縷映漁蓑

自眠自起影鬢鬢彷彿靈和殿外看莫使行人肆攀折春風

留取護吟鞍

鄭

莊號馥塘歸安人候選州吏目著西江紀游偶存藁

孫德祖曰君精刑名幕游巴蜀歷數十年治獄一無枉濫雅好吟詠願隨得隨散晚就江西永新縣幕始錄存之皆六十以後作也

禾川水勢建瓴直下絕少滌洄渟滯之致民情得無相

似邪詩以箴之

江河日下少迴瀾愁絕橫流送激湍爲報禾川諸父老人情  
莫作水痕看

有感

律意精嚴考究難豪釐千里要心安須知下筆關生外漫當

尋常草檄看

斟酌爰書費苦心就中若箇是知音蕭曹法律申韓學正恐  
源頭不易尋

蔡調元

字對時號過雲慈谿諸生著萍遊詩草

和桑工部立夏雨讌集原韻

溯洄浪迹似浮鷗佳節頻催到白頭  
蜩螗一聲春又去櫻桃初熟雨偏稠  
筵前磊落千樽酒座上聲華百尺樓  
自是麥秋寒未了依稀六月尚披裘

阮文焯

字思輝黃巖人

戚學標曰思輝好讀書不事生產鄉里稱長者

控鶴引

洞中大藥熟松下仙骨輕翩然頓修趾騎之遊太清簫聲度

明月步虛搖翠旌我亦有六翮一舉游蓬瀛

鄭萬育

字時熙號二西西安歲貢著霞外集三卷

縣志萬育才氣超邁好古文下筆灑然不拘繩墨如高雲下蒼鵲英俊時露喜讀秦漢書借得異本輒寫晨鈔閒作小詩以自怡悅

過小靈巖

四圍蛛網挂晴絲花落空亭鳥不知繫馬柳陰人寂寂夕陽空弔偃王祠

題劉羽泉都憲祠

寂寂空祠下鐘聲壓曉霜古藤扶壞壁秋葉響空廊小雨魚鰕市寒煙橘柚鄉多君屏障力俎豆尙餘香

汪阜

字至山號覺所錢塘人乾隆壬子舉人官廣東磨州知州著壽補軒詩稿四卷

東軒吟社園傳略至山夙秉家學弱冠舉省試逮入赴禮部試不第遂就官治尙寬和不事操切時稱循吏年

逾六十引疾歸湖  
山文譙殆無閒日

題小米姪松聲池館勘書圖

吾家積書三萬軸  
深悔兒時未能讀  
中年奔走逐風塵  
蝸角虛名門蠻觸  
繼乃游宦粵海濱  
面目人嗤俗吏俗  
空歎駒陰過隙馳  
坐使遺書高閣束  
憶昔祖父勤收藏  
一一牙籤手編錄  
祕書仰荷自

天題韻府頒來出

天祿門有通德紀

恩榮居無塵  
雜留芬馥卻憂子孫世  
守難書香一脈誰似續  
幸有小阮繼家聲  
科名早掇尤知足  
頻年不上孝廉船  
有地獨享瑯嬛福  
松聲池館舊精廬  
一房山浸潭水綠  
閉戶窮年閱歲時  
磨鉛握槊紛簡牘  
我聞校書一如風掃鐔  
點竄不管

湘毫秃又如老吏斷疑獄決別難逃炯炯目肯爲身名七尺  
勞要令解詁三倉熟顧我徒懷老大悲直恐從旁笑癡叔

錢師曾

字唯傳號蕙窗錢塘人乾隆壬子舉人著靜存齋詩集

東軒吟社圖傳畧蕙窗狀貌魁梧磊落飲啖兼人工詩能文章詩法初盛唐或時出入于金元名家獨不肯蹈宋人蹊徑當酒酣耳熱輒尚論古今風發泉涌四座辟易  
緝雅堂詩話唯傳所著靜存齋集五言如一榻酒初醒好山簾半鉤青苔封曉月林蘿低暮煙梅花倚殘雪燈火上春帆七言如古岸春陰欄鴨地平陂細雨牧羊天江聲日夜催豪傑文采東南直女牛邨莊紅豆人初到庭館黃柑客尚稀一炷爐香最初地半  
簷山鵲欲晴時吐屬大雅不媿才人

題汪小米

遠孫

重得舊藏呂東萊春秋大事記後

麟經微旨墮幽渺策書猶寓龍門表力輯成書體例新壬申  
舊本於今少芸飄霽走出匡山流落塵寰市肆閒入室雲煙  
留眼住滿船虹月載珠還羽陵汗簡無消息縱在人閒人不

識瑯嬛自有校書孫不許六丁雷電得

鄒縣謁孟廟

一統文宣緒三遷禮讓鄉廣居瞻廟貌道域接康莊濟水滄  
溟外東山泰岱旁流徽分闕里具體啟宮牆清閼櫺星闔陰  
深苑路長麗空碑剝蘚合抱柏含蒼祕色琳琅古靈廳木葉  
香青冥搖網戶碧落湧雕梁螭架虹楣穩鵷遊藻井翔樞衣  
將納陛肅拜迺升堂烏寂宮簷靜塵清玉座涼鐘鏞猶兩序  
圭袞儼中央殿庭塑像德範誠高峻神儀許仰望巖巖河嶽象炯  
炯日星芒憶昔從衡日周流戰伐場異端驅別派上理佇時  
王浩氣留天地微言述丑章論功甯禹下列傳豈荀行億禩  
褒崇遠春秋俎豆常掌祠收禮器博士老經藏肸鬻心爲悚  
瞻依志敢荒誦書曾想像觀海更汪洋古道棲遲日春風滿

綠楊登車私喜溢沾灑聖賢光

戊午正月八日吳穀人太史過草堂留飲別後奉呈

夙昔謬青眼素心懸水邨  
竭來梅樹下開此草堂尊  
野竹成幽賞青山澹酒痕  
頻將結鄰意指點話柴門

欲去踟躕久迴舟日已斜  
春風初碧水幾日又桃花  
郭北舉

亭權橋西老友家

謂何春渚丈

他時過從便卮酒就桑麻

薄俗歎

東南儒術隆庠序出醇士  
蘊藉多古風爲文有深理  
詩書澤旣衰鼃黷沸井里  
率爾學篇章侈然肆臧否  
豈是鄉校遊直同駟儉鄙  
一朝訕謗興連翩訟牘起  
至公長官心深知文字俚  
芝焚誠可歎李代不知恥  
流恨滿冠巾餘哀動桑梓  
傷哉世風漓貽害乃至此  
願惟萎萎輩佻達還自喜  
此風不少衰

爲禍恐未止誰歟父兄責往戒輕薄子危言尙敬聽爲汝祈福祉

金谿比部將還開化江上艤舟款門留飲三鼓別去

秋暝山雨過鐙涼池館悶忽聞扣門聲亂葉擁屐至高人如閒雲際晚隨山寄自言還故山扁舟江上遲真率念故人有句欲相示開尊款情話杯深語不寘曩時好心迹竭來仍簡易且盡平生懽勿問蹉跎意潮來趣告別信步猶扶醉念子羈旅魂煙霜隨襪被迢迢送君心殘鐘江上寺

梁山舟學士輓詩

鸞驂鶴蓋返高宸百歲光陰又劫塵地位玉皇清祕使典型昭代老成人栽培獨荷天心厚踐履能孚物望真榮戟風流重迴首頻羅花發墨池春

持躬遙望四八目接物真如六一翁一節見收還及我古人  
以外卽思公治生世爲孤寒慶縣算天憐士禮窮獨行遺來  
皆雅裁去手痕留處總春風

洛社星霜五十朞不刊行狀儘昭垂文章苦被書名掩風義  
堅爲世道持一代完人留史筆百年清德繫鄉思碑銘僅事  
稱無媿間殺中郎絕妙詞公遺命其孤不刊行狀不誌銘墓

扶輪有願畏嚴尊識面方知道氣溫四海齋心望蓬島十年  
青眼寄山樊非才猥向人前誦餘澤空悲歿後存一掬平生  
知己淚敢持哀挽說酬恩

雨中偕吳蘭雪汪藕塘陳芝楣桐生朱萼亭光憲爰積

堂許玉年乃穀汎湖玉年坐望湖樓對雨作畫歸舟

載酒迴望西泠晚晴如畫

湖山亭榭廢桃李日已闌春光冷淡酒船少特與詞客吟荒  
寒山水繽紛今古其一湖煙雨尤珍重綵毫清瑣向春閒天  
生名流復奚用春陰杳靄罩綠潭嘯歌一櫂中流酣觥船且  
放酒人酒祓禊何必三月三檀園好墨藩井西舊浮嵐筆牀  
硯匣貯遊篋更有翠裏傳黃柑沈沈望湖樓罨畫滿窗牖風  
片雨絲濃似酒雲外荆關欲招手簪頭山拖水墨雲平遠波  
蘸淡黃柳坐客旣清狂跌宕愛許郎酒酣搖筆灑縑素風露  
一片移沅湘小鬟捧硯立含睇垂明璫閒情委芳草願託弟  
子行柔荑嬌放數莖葉春風可憐吹不長有小鬟阿蠻從玉  
年學畫蘭數筆  
許郎添石竹逸思清相續贈汝林下風令汝意態足畫似幽  
人人似玉酒痕吹上春衫綠迴船愛晚晴風景南冷清船頭  
張畫幃船尾吹瑤笙泥金一抹松栢秀夕陽放出孤山明西

子晚妝開半面孤山眉黛篷窗見中有王孫冰玉魂臨風猶  
抱蘭亭卷賸粉零紈褰擘練恍忽蘅皋遺翠鈿千秋未歇此  
清芬不似豪家紅粉醺金粉秦淮春復秋可憐回首舊風流  
半湖春色一船酒肯放西湖讓莫愁

談秦淮故事  
故落句及之

梁諫庵丈過訪不值并攜尊甫學士頻羅庵集爲贈情  
甚依依賦此志惠

主人行藥歸縑紉耀蘿軒家人具相告有客過山樊夕陽照  
衰影扶杖來款門手攜書一函授僕戒頻煩悵然惜不值依  
依情頗敦開函再三讀清芬溢名言賤子獲趨承寒暑累十  
番平生風雨心耿耿志勿諼吉光得片羽微瀾識修源耆賢  
不可見見書及後昆後昆旣耄衰書亦十一存

學士生平詩  
文都不留棄

流連君子澤愛惜難具論  
逝將什襲藏留以遺子孫  
迴首頻羅庵風日猶餘溫

秋日寄懷都下故人

戴比部金谿

敦元

落拓常呼酒蒼茫獨詠詩  
湖山罷幽興風采嚮

昌時池上暗芳歇庭前白露滋  
當年款門客此夕最相思

吳舍人蘭雪

嵩梁

詩骨裏寒翠狂吟滿

帝畿雨深燕市酒月上省垣薇人海棲難定  
天風送不歸寥

寥紫芝曲千里暮雲飛

于主事蓮亭

克襄

故人已得祿無事重言懷  
惟有金石契不隨窮達乖  
衝泥憐

苑路分火憶山齋尊酒對黃葉相思天一涯

紀旱

己卯歲初秋熾暑歷三伏驕陽四十日寸土不得溽高田稼  
連雲槁死禾可束低田排水車連邨聲輾輾可憐邨中婦炙  
日足翻轂不見禾葉青但見陂湖縮流氛爍金石而野蒸炎  
熇塗泥爲之墳少昊不能肅消匿及飛潛焦枯到草木癡龍  
藏海底雌霓浮天角祈禱怒神靈驗候違占卜憂勞煩長吏  
香帛致誠慙雲望走山川星露披靈竺禁申屠宰嚴比戶斷  
葷肉所恃蔬筍薌庶幾將羹粥豈知場圃閒根芽斷諸藪名  
都十萬家漑汲資湫濯山居泉脈絕老湫失飛瀑城居井水  
枯瓶縷墜泥濁仍愁絕茗飲深恐斷盥沐仁哉撫軍賢憔悴  
勤莫夙蔬食屏騎從祠宇徧齋宿虛心訪輿論稽古徵董學

苟有致雨方無術不采錄一念愛民心清涼周蔀屋此邦久  
彫敝四民競末逐甯堪經嘗災端賴循良牧感孚理則然密  
雲觀小畜仁哉撫軍賢百計求民欲偏災旣縈懷水利煩商  
榷通津旬月阻商賈生計蹙宜通附城漕近致旁邑粟引海  
計已迂引江力不續人功旣難施撫蹟彌躑躅我聞古賢哲  
轉敗可爲福往者旣莫追來者賴先覺臨安山水郡川浸方  
湊簇導引苟得宜灌溉無弗足西湖甲天下明秀遠近矚浩  
渺頃三萬迴環橋二六承平百祀遠侵占已數數不治再百  
年太半旋陵谷數里芟蕪荒中流檉柳蘊非常邁茲旱片碧  
湖呈腹及時速興修致力一浚剝鬻泥免舟船涉淺便畚揭  
舊隄勿再護積土選平陸往歲頗興工緣隄曾置局可憐帑  
數萬換此葑幾掬茲旱胡可頻時往難再贖異時慶工成淨

遠浮天綠湖山樂利長此理明且較會垣賢達多誰爲咨當  
軸上河灌城東東匯臨平麓修源百里近支港相回復五里  
富蔭藹沿流設罌麗隄北瀕下河壩堰紛相屬河身久高淤  
滲漏微有竇叶長安稱巨鎮積穀百萬斛春秋通鹽漕旦夕  
喧艫舳乾隆乙巳秋旱亦等茲毒鹽官鑿古堰瞬息塗泥沃  
經年苦鹹腥數歲絕水族行洞難再開故蹟不可復稍宜事  
補苴政爾煩洶漉轉眼秋勞來爲利亦已渥西谿古秦亭秀  
遠來天目沿山十八里處處映隈渙水深秋雪涼地暖梅花  
馥其閒足蔬果緣栗菌茗竹山腳度谿行風來谿不穀不旱  
舟亦艱遠轉去避犖确山民長日閒沙根試削斲從此望清  
深滌洄流碧玉吾杭所發源庶幾緬初朔鄉邦徵水利三者  
其卓卓圖治較後先西湖更宜趣從來正封圻血脈在川瀆

源流果深長風土自嘉穀令汝植物蕃令汝年穀熟文章起  
俊髦山水助清淑遺聲流竹枝清懿茂風俗斯誠守土責亦  
在紳耆告所傷費不貲帑鐸困籌握官用有常經民力苦局  
促以此坐因循狂夫議空蓄陰陰桑梓稠歷歷膏腴隩邨邨  
謀酒漿戶戶歎杼柚蟲蟲苦蘊隆祁祁思震霖潭潭望朱門  
隱隱聞清樂深深水榭涼湛湛浮瓜副朝朝停畫舫處處載  
醅醪

昇平來日長歌舞百年倏坐令西子面終古困齷齪誰與解  
此憂寶社空碌碌縱橫望兩隄前哲風流邈可憐水僊祠歲  
歲薦秋菊閒居惜事機宛轉成歌曲仰觀河漢流繁星撒天  
縹迂疏一紙言留待采風讀

黃孫瀛

字步唐號句湖仁和人乾隆壬子舉  
人官直隸肥鄉知縣著古操山房稿

抗郡詩續輯句湖歷署直隸臨城藥城肥鄉知縣令  
肥鄉時方苦旱禱雨烈日中感疾而卒民至今思之

### 洋州行弔曾大令

君名彰泗字孔林四川德陽人以拔萃任洋縣有循  
聲丙寅秋甯陝叛兵破城君以大義責之賊脅至城  
隍廟以沸湯灌入喉中罵不絕口而死

洋州城堅堅似鐵櫓槍下墮虛隍裂棄甲何來犀兕多反戈  
忽見蟲沙滅使君一死且不辭口中況有常山舌兵環刃劫  
氣益道白晝神祠凝古雪湯湯百沸倒軍持甘似醍醐通體  
徹盤旋那復畏蘊蒸血聚丹田本來熱一時煎燭及肺腸百  
鍊純銅留骨節竟將糜爛作全歸如此捐軀亦奇絕

皇威遠振劫火消特典頻頒重人傑復隍配食颯英姿靈來  
恍惚雲旂掣何慚宗聖溯本支便合廉泉薦高潔巴山大小

接錦城日暮杜鵑啼碧血

祿兒歌 并序

洋縣之潰權華陽丞劉錫民亦死其僕祿兒年十四  
於城濠積尸中痛哭三日夜求其主尸不得繼于血  
肉枕藉中得一身面目糜爛不可辨而右手尚持小  
刃識爲主人向所佩物遂殮以待其子來徒步送歸  
潞河噫劉君死猶握刃有恨不吞賊之櫬宜得祿兒  
忠義之報也事可以風作詩紀之

灤水不流血不漉風寒白晝青燐煜烏鳶啄肉不敢前鬼哭  
聲中雜人哭枕尸反覆血模糊晝夜三周昧兩目天憐節義  
標識奇忽得糜軀已無肉平生佩此百鍊鋼旣死公然刀在  
握想當格鬪墮微軀余不負丞差免辱孟勞質是卯金精舉

復號仍穎士僕吁嗟平劉君食祿死固宜僕也少年安足知  
頗聞嗚咽向人道的盧傷主罪敢辭送歸丹旆願已畢此後  
飄零任所之世閒忠義有若斯爲君慷慨歌祿兒

春晚同沈小雲

學厚

陳秋紉

其素

游南屏

游蹤隨蠟屐逸興寄湖灣鷗意不離水春雲多在山何人來  
竹所盡日閉松關把袂聯吟去前林鳥已還

自甲河關至漫川關舟中雜成

石罅何年開猗猗立神鬼泐泐東一門兀突不受水獨撐勢  
欲旋眾挽力未已崇朝過數峯及晡不十里冥坐涉幽想眼  
眨忽生喜試聽長年言已過石梯子

翠鳥背人起掠波時一鳴小舟忽蕩槳水逐人心平遠想沙  
路細愛鑒空潭清搖漾未數武石壁當前橫古洞闕深碧中

恐藏山精咄咄采藥者犯險援飛莖得非商嶺叟乞與松根苓

川行無定姿陰晴況殊狀一宵聽打蓬晨興失蕭曠節物憶黃梅深翠積陰釀稍稍辨茆屋沈沈沒諸嶂楚天黯雲雨米家開畫障斷岸正晨炊風起不得颺嵐光與溪煙一氣浮新漲何當披獨速槎頭遂微尙

詩龕圖爲法時帆先生作

我聞說詩家南北異宗派有漸亦有頓饒舌吁可怪貴古匪賤今衣鉢總勿壞漢魏上可追唐宋學何害有正法眼藏開琉璃香界月鏡懸高明風輪轉廣大欲參文字禪特破言語戒師子一吼時啁啾息眾喙道品三十七精進壓儕輩鴻文信可扛象教示無外編輯富搜羅淨住及粉碎我謁彌勒龕

濁體當卻退豈期古先生淨因許相對爲我溯淵源上下三千載究竟聽微言幾人得三昧皈依五蘊安投贈八正會或如散天花微笑弄狡獪或如喝當頭一棒振聾聵大千包眾妙寒暑不辭憊卷帙已汗牛須彌堪納芥四壁生風雷丈室入圖畫寒具不敢汙鴉叉正高挂着糞佛頭上想見無罣礙抱腳徒增慚惟向圓燈拜、

許學曾

字固庵號辦香鑑子仁和人乾隆壬子舉人官武義訓導

緝雅堂詩話固庵先爲龍游學官其示諸生詩有云相期學術無門戶未必人才判古今啟誘後學用心甚至

勁節樓爲孫節母作

仙家香引返魂清續命絲長讖一生似有天風樓上護不教吹下步虛聲

楹書留與後人持見說金萱領絳帷文字因緣全悟卻拈花

微笑不言時

顧

鏞字古鳧仁和人乾隆壬

杭郡詩三輯古鳧多鬚一時尊爲髯翁嗜飲工詩風趣盎然

子恂出示登古吹臺詩感懷有作

春蕪煙漠漠高臺凌虛空遙山互天碧平林鬱繁叢聞之古  
樂師此地歌南風  
嗟我來夷門屈指歷五載歲歲一登臨鬢毛漸成睢惟有舊  
川原終古色不改

北固山

西望金陵萬點青一峰東峙接南溟入雲繡迥衛公塔臨水  
橫斜米老亭千里潮生連海白五更鐘動隔江聽六朝名勝  
空陳迹極目垂楊映曉汀

王星慶

字頌泉海甯人乾隆壬子舉人官天台教諭著味經堂詩鈔

冬杪臥疾對雪用東坡先生病中大雪韻

周雅歌來思郢曲嗟和寡米貴索已頻履敗行無奈凝陰歲  
將徂交臘雪初墮洒空雲影暗亂舞風力簸眩生銀海花笑  
見玉妃嗟鹽素出熬波粉白飛轉磨鑪熏撥冰灰酒價騰居  
貨窗虛紙逾明筆凍毫屢挫紛紛皓盈瓦凜凜寒逼座窮巷  
少故人閉門但高臥頻年滯長安旅食徒坎壈鏡愁霜鬢侵  
衣惜緇塵浣殘燈耿宵半荒雞驚夢破鄉思攪客懷文史疏  
冬課未授相如簡甘作袁安餓敢續禁體吟聊爲豐年賀

周汝珍

字渭洙號東杜嘉興人乾隆壬子舉人官遂昌訓導著菊存詩集

卻金軒

壬申春遂昌令向筠齋明府以公事下鄉假館吳祠幕夜有以三百金餽者明府力卻而隱之邑人士已譁傳其事吳氏遂以名其軒而請書於冊

吾聞古廉吏鬱林留片石歸裝何草草令名長赫赫向侯仁

者勇先聲能奪魄

明府蜀人嘗率鄉勇堵禦賊匪得蒙恩獎

理煩懸蒲鞭保民

如保赤綬綬昌山青皎皎練溪白圓融水鏡明表裏冰壺釋

此謳廉公襦彼頌張君麥邂逅吳家祠力拒暮夜客清本畏

人知民已手加額不矜劉寵錢自躡王喬舄延陵諸子弟大

書用典册亭以卻金名

府治西南有卻金亭

事倍古人百不圖蜀西賢

遽奪浙東席試看一字嫌胡止十朋獲此軒慎勿毀稅憩有

召伯

玉枕蘭亭拓本爲從子

際唐題

鼠鬚繭紙蘭亭敘褚辭臨摹半失真何意半閒堂裏客萬鐙

炙就妙通神

孤亭突兀枕清源曾記藤蘿手自捫

余客會稽曾訪蘭亭遺趾

太息蕭郎

空賺去昭陵玉匣有誰論

柯

鏐

字清士嘉善人乾隆壬子舉人官龍泉訓導著眠琴居詩鈔

魏塘人物記龍泉諸生凡被控先聽於學後牒縣輒上下手比鏐至慨然曰奈何以學校爲利藪哉獨不名一錢教務實學書法學徐季海

冬晚

孤雲侵樹落一鳥拂檐過風靜山猶語霜凝水自波杯因留客洗詩喜倩人哦往事鐙前憶蕭蕭鬢已皤

陸震東

字融伯德清人乾隆壬子舉人官仙居訓導著枕經軒詩鈔

俞貞烈女詩

乾坤具正氣激發隨人資聖賢不離道夫婦亦與知或挾浩然氣刀鋸視若夷或守介然操冰雪誓不移何用分廣狹是皆存倫彝卓哉俞氏女生長在茅茨不扶而自直豈藉保姆

師十三明女訓十四學婦儀十六來蹇修筮日將結褵謂郎  
如松柏謂妾如菟絲依附定百年父母無貽罹何意賀在門  
訃者乃踵之所天既已失有生復奚爲願得一憑棺同穴甘  
如飴姑嫜非所樂媒妁莫致辭生雖慳一面從死無游移此  
語口不道此意誠勿欺天只不諒人改字前邨兒畢命在今  
宵長訣夫何疑寒谿遶我門瑩澈空纖疵懷清若合契抱石  
投漣漪蛟龍急避舍逆流擁其屍衣裳盡縫紉玉貌猶生時  
父母始歎訝鄰黨咸詫奇一坏寄山麓幽光燭雲達我來問  
風土闢揚起敬聽千秋有貞石庶亞曹娥碑

蔣

變

字調元諸暨人乾隆壬子舉人官義烏教諭著梅垞詩鈔

諸暨詩存梅垞潛心于學炎夏夜讀內兩足聾中雞唱不休其爲詩歸于風雅小倉山房集方風行海內先生鄙其爲人作詩皆之其持守不阿如此

打虎兒

族人阿順爲罾獲以致獸子阿桂挈弟往收具一獸伏草間虎也攫其弟幾斃桂奮拳擊之虎

鼠去

打虎兒生餘十春是名阿桂下園人厥父順居狐兔鄰設施網罟兼采薪父出兒往伺挈其弱弟行踈踈兩稚子覓路披荆榛不見豐狐逢臥虎逼而視之虎毛豎虎攫弟且走桂拳若搗杵虎驚觸林遯木葉隕如雨翼弟出蓬藿道旁逢阿父舉手作虎勢牙張爪掀舞邨人來告予銜杯屢停醺篝鐙作夜談聞者色變土詩云每有良朋徒永歎兄弟鬩牆資外禦君不見十歲兒徒手擊虎虎如鼠

豐碑

豐碑樹道旁屹立如山岳上載生卒葬下詳年月朔姓氏重珪璋門楣羅戟槩數十寒暑閒光陰等飛鳶誰與諛墓者膚

詞逞高卓勲業伊呂儔文章鄒魯學纚纚盈萬言煩文不厭  
數貞石細磨礱鐵筆工刻斲耕牛不識字硜硜厲其角

曹祖誠

初名祖慎字幼專蕭山人乾隆壬子優貢候選訓導著南畦賦草

戲爲蔡陸士作青藤小狗歌

古人自謙稱下走當時往往施諸友豈比權門託足人搖尾  
乞憐成狗苟板橋獨慕徐青藤前賢門下長低首走狗頭銜  
署印章古色煇爛逼蚪蚪陸士一見大悅之亦摹私印繫其  
肘爲有大狗居上頭甘作徐門小走狗我聞天上狗二星星  
明有爛近南斗孰爲宋鵲孰韓盧人間一例呼豺舅同入前  
賢廣大門大小奚須再分割天池先生曠世才書畫詩文皆  
不朽襟期瀟灑固罕倫風骨峻嶒更無偶長揖軍門氣似虹  
縱談幕府聲如吼略施奇計賊膽寒數奇未獲登朝右平生

不識狗盜雄走狗前來定搖首或因衣鉢欲相傳以是心至  
至斯受大者不拒小者拒吾意先生必云否寄書勤職且爭  
先舐藥成仙姑在後只恐門牆守不牢有力之家又來嗾

吳心恬

字養冲遂昌人乾隆壬子優貢官黃巖訓導

縣志心恬讀書日數行下在黃巖整頓學綱某生欠課令將懲之力爲承認得釋屆期生貧無措卒代納之

短歌行

人生無百歲百歲日亦短白日繩難繫流水刀難斷去者日  
益多來者日益緩大禹寸陰勞嵇康一生嬾祖龍欲求仙徐  
福去不返奈此短日何末路悔都晚

感事

幽谷長蘭棘相處並一方蘭多悅人目移植鬱金堂棘多傷  
人手棄擲道路旁願爾山中棘化作蘭之芳

范廷甫

字聖訓錢塘諸生

夕陽同鮑淥飲作

寒鴉飛盡水悠悠中有斜陽一段愁不覺頓生遲暮感那堪  
重憶少年游千山紅樹離亭酒匹馬黃沙塞角秋輸與牧童  
鼾睡起一聲短笛跨歸牛

許乃嘉

字頌年學歐于仁和諸生

杭郡詩三輯頌年工倚聲有琴梧軒詩餘一卷吳衡照跋云詞意冷雋此草薦先生所謂著愁思故不癡肥者

鐵門限歌

鐵門限乃在吳興永欣寺智永禪師飛錫至禪師逸少七世  
孫家傳筆陣妙入神佛閣學書三十載書法入門力不怠鐵  
硯一片磨欲穿手提大筆揮如椽禪師筆力堅如鐵腕下煙  
雲吐磅礴禪師深閉不二門戶外求書晨至昏禪師丈室限

爲滅裏以錚錚不屈之鐵葉日書貝葉經夜然長明燈佛法  
書法上上乘嗚呼不數懷素僧

陸素生

字少白晚號少白山人海甯布衣著於斯閣詩鈔

家傳略山人與同里梅史南廬二查君交最善過從必  
飲儀徵相醉醉必吟所遊必與借三人者志相得趣相合  
也儀徵相醉醉必吟所遊必與借三人者志相得趣相合  
識面爲快則使梅史約遊西子湖飲酒壚側相國微服  
行若爲邂逅也者梅史約遊西子湖飲酒壚側相國微服  
揖三人者二君皆還辟史答拜山曰嘻撫軍來矣相國於是  
相國歎曰斯古所謂名可得聞身難得而見者歟彭新  
彭兆蓀序略少白家貧甚爲句讀師事母至孝詩歌新  
穎兀稟不主故常時出驚入語與古作者相馳騁負才  
氣縱酒自豪視世俗榮利揮斥若土苴中年境益困侘  
傺無聊則益酣歌沈飲無何卒高君東阮查君春園哀  
其遺詩  
吳衡照曰少白詩清新獨造五言如雨後海棠云蜨魂  
黏不去惺點落無聞七言如遣興云釣船添後見分業  
酒頌成時婦有名家其白鷗三世住門多野竹四時秋  
秋蜨云青團扇于剛拋卻欲撲無由空斷腸荷珠云賺

得小鬟閒簸弄霎時細碎霎時圓  
等句從無一語一意落牙後者

大風歎

乾隆辛丑夏六月五旬不雨民咄咄桔槔聲亂河之干盼望  
雲霓等飢渴夢夢天心如一豁崇朝滂沛苗齊活厥時方慶  
免寒餓相邀把酒圍樂坐福非福兮禍終禍黃昏大風吹雨  
過石烏玉鐸都打破巉巖雷崩海嶽立坤乾罔辨東西誤初  
如貔虎之叫噪山谷又如蛟螭之振起坎壈橫於堯之九年  
之水烈於羽之三月之火室傾樹倒難悉數偷眼看天天亦  
墮東村西舍徧叫呼大眾鼓慄如揚簸余亦縮縮不敢臥長  
劒熒鐙百尺樓涕洟特爲蒼生憂不然一身我何有破我屋  
兮甯用愁壬午年閒風拔松相仍凶歉未登豐官逋私債交  
催逼從此民生日蹙窮朔方今歲大興戎健兒雲屯倉儲空

羽書星馳轉輸急何當遭旱復遭風木縣黍苗悉摧折無論  
租稅莫之給將求餬口亦乏缺民乎民乎爾居壤兮爾食又  
絕爾與其死於荒兮甯死於劫茫茫一夜頭如雪

寄南廬

江南一片月不是不同看影隔千山外光分兩地寒歲因無  
麥儉貧恨著書難驚起江天角

時海上戒嚴

臨風據馬鞍

曹烈女詩

并序

烈女曹同邑人許里人查縉思子世裘爲室幼撫於  
翁姑未結褵世裘死女飲泣數日服鹽滷死時癸丑  
秋九月十三日也

促織促織旋停夜織霜何皎皎風何淒淒鷺雉上屋脊  
茶澗水濱有女幼苦辛枝弱椿樹老斧柯爲析薪雖當三五

解一采

年尙遠百兩辰姑嫜久識面夫婿未相親二解朔氣夜寒罡風

下搏遽失所天摧心裂肝星斗闌干泣罷而歎三解許君以身

許君以心君鏡中鸞妾匣中琴池不蓄比目鱗屋不覆連理

陰四解秉燭開我箱縞衣白練裳不繡鴛鴦花凜烈如寒霜暗

地拜舅姑吞聲捐耶孃五解視死如生視鹽如蜜煮鹽釜鬻泣

食鹽軀命絕鑠金光必騰爨桐聲必烈猗歟卓哉異衾同穴

六解海門兮蒼蒼娥江兮洋洋孝烈千秋兩曹女浙東西兮相

望七解

黃愷鏞字楠蔭嘉善諸生

府志愷鏞讀書日百行愛讀少陵歌行吟諷中節嘗與

友人論詩書云太白謂寄興深遠五言不如四言七言

又其靡也若欲超然復古非學五古不可近日言詩戶

有隋珠然大率喜為七言小律詩限以四聲倡和雷同

試叩以風雅源流如墮雲霧此詩教

所以愈晦也持論足以鍼浮疴滿

早適北園

凌晨散閒步愛此嘉樹陰  
雨餘池蛙喧日出眾蟬吟  
散髮把道書臥石枕瑤琴  
浮雲悟行迹澄潭見初心  
家人頻園蔬有酒且孤斟  
好風知我閒瀟灑吹衣襟  
興到若有合已忽難復  
尋何須羨禽鳥吾廬清且深

錢一桂

號東堂海鹽諸生著雙橋居詩草

緝雅堂詩話元遺山集中多杏花詩名篇傳句不勝舉  
采近洪北江亦屢賦此花摹香揣色足與相埒東堂詩  
什不多有詠杏花數絕句亦具神致爲錄一首聊存片羽云爾

杏花

偶向前村問酒家綠楊影裏燕飛斜  
山城也有春風到未過清明已著花

沈朱點

字雨梧德清諸生著南游小草十卷

李日熾序略先生德清名宿夙矚吟咏自其少時疎厲風發願豐於才而嗇於遇邀游四方留題殆遍自江西至滇南篇什尤富性廉介無城府貧而好施里黨德之

登繩金塔

江城苦平行遐覽障遠目登眺極崇椒窪呀盡拱伏朔風肅以厲村樹老將禿攝衣上浮圖震慄戰髀肉絕頂豁開朗須彌芥子縮江練繞如環山淨妝似沐依稀認匡廬天際歸雲宿微茫辨彭蠡腳底奔帆逐望遠願已賒思古情彌蹙高閣罷歌舞平楚走麋鹿眷懷賓從游惆悵年華速吾慕徐孺子寒亭薦杞菊

程

遠

字行之諸  
盤諸生

讀板橋雜記

半堆瓦礫認河房詞客飄零劇可傷重聽尊前話天寶誰知

身是老周郎

春風歌扇美人簫一曲秦淮萬柳條往事蒼茫誰復問白頭

江令哭南朝

童鳳詔

原名聖俞字筠巖  
諸生著敬慎堂詩鈔

詠懷

美人在南嶽上有玉芙蓉芙蓉爲顏色綽約饒姿容琳瑯搖  
佩響釵梁壓鬢鬆瑤函一相寄邀我上玉峯望中雲縹緲佳  
靄鬱蔥龍玉峯不可上何處尋仙蹤願將凌太虛乘風駕虬  
龍

題明皇按樂圖

春風南苑曲江曲波紋如縠鴨頭綠溫泉卻在華清宮臺殿  
矗雲何玲瓏此時侍輦粉黛嬌左吹金管右玉簫宮徵細按

霓裳譜直追鳴鳳儀  
箭韶蠟光射雲星影散樹靜宮階露華  
滿鈞天響徹九重高碧殿花憎春漏短  
豈意漁陽突騎來淵淵鞀鼓鳴春雷  
梨園子弟各星散嗚咽蛾眉痛馬嵬  
雨聲鈴聲聞劒閣涼州入破悲離索  
玩圖誰奏望京樓淚灑張微溼珠箔

王

溥

字湛夫天台歲貢

題石梁瀑布圖

天台之山雲萬重雲中大矯飛白龍  
半空噴激銀河水界破千丈青芙蓉  
奔騰勢欲傾山谷石橋橫互當其衝  
飛流到此一約束下注巨壑如朝宗  
輕曳匹練急奔駟灑珠飛玉鳴琤琮  
奇葩異草相掩映沿巖芳馥春溶溶  
忽然回湍先涌激響振巖谷如洪鐘  
曇花亭高出塵表下俯羣岫凌長松  
憑闌遙

睇心目駭恂恍欲遇飛仙蹤畫師揮寫得奇意靈境一一圖  
中逢安得萬年之藤杖與君共撥雲霞封穩步石梁最高處  
手挽飛瀑前心胸

文

正

字聖維西安諸生著聖維詩藁二卷

緝雅堂詩話聖維爲文山先生後裔好詩歌苦思不少綴嘗語人曰吾將臥出心肝不悔也殆昌谷之流亞歟

盈川懷古

川流瀾瀾起輕波一片寒煙引權過才子從來爲傲吏風光  
今日付漁歌碑殘冷蝶飛秋草堞壞飢鴉噪女蘿采采蒹葭  
何處是艾公洞口夕陽多

陳秋水

字治峯會稽人乾隆癸丑二甲一名進士官內閣中書

莫廷魁曰君體潔思清有文如秋水品如秋水之目司鐸仁和通籍後爲枋國者所忌不得大用然德望自是益崇矣

孫德祖曰先生成進士日名滿都下和珅欲羅致之屬  
所親風旨勸往見先生毅然不赴遂不與館選至今郡  
邑士猶豔稱其風骨

蕭山俞氏胡韓姑婦雙節詩

孤鸞不成彩別鵠不成彈傷哉鸞鵠姿影隻毛翮殘豈無丹  
山雛索食聲哀酸二雛復失一流離發長歎  
離離山上松鬱鬱澗邊柏松柏本同心同耐冰霜屢歲寒得  
二木浩氣凌層碧迴首百草芳窮陰歇薶澤

題高其佩指墨鷹石

危石嶙峋割半壁老樹杈柯撐古色角鷹側目踞空巖筆裏  
精神圖上立金風颯颯吹緼袍霜濃月淡青天高草中狐兔  
盡竄匿攬身欲擊羞凡毛飢則附人飽則颺反覆頗憎風骨  
降此鷹不颺亦不附遙盼青雲擇所向不登回雁落雁之高

峯不棲半生半死之梧桐臂韝絲鑲了無礙倦眼默待風雲  
通影落一幅好東絹高侯指墨開生面我展觀之嗟勁健空  
拳白手恣酣戰嗚呼此鷹金眸玉爪如欲生坐使祆鳥瑟縮  
不敢鳴

孫

錫

字備衷號雪帷仁和人乾隆癸丑進士  
官雲南甯州知州著韻竹山房集四卷

吳振械傳略雪帷工倚聲有韻竹詞四卷柔  
和縣密極盡能事成進士後出宰光化值  
教匪滋事團聚民勇堵禦消弭洞中機  
宜既奉諱墨經從戎墜馬折其右股敘  
勞擢補錦州被議落職復起爲雲南知  
州以老乞休

艮山野望同杭丈堇浦翟丈晴江倪丈嘉樹何春渚黃  
書厓吳穀人姚春漪黃玉階倪小迂分韻

皋亭落葉繁清候澹襟抱沙灣散晨市喧  
厖淨如埽于野招同人民背縱幽討斷碑  
冪寒煙尖風殺柔草巒腰入冬瘦菜甲受  
霜老塵眸遠無力林翳頗相惱駢肩促歸  
筇翦手脫吟

稟撰杖欣我偕日薄翔古道

朱瑞椿

字春山海鹽人乾隆癸丑進士官福建霞浦知縣著春山詩存

吳省蘭序略春山楊花四首流傳海外芍藥諸詩屬和者不減漁洋秋柳

節孝吳母沈孺人詩并序

孺人于歸兩月遽喪所天姑患背疽劇手煎湯藥衣  
不解帶數月獲瘳撫前室子女如己出子未婚傷女  
甫嫁天以兄公子爲後得成立女奴配僕周周亦早  
歿誓隨守節數十年仿樂府分詠之

高樓月東來西往出復沒瓊疏珠綴翡翠簾兩度圓光看皎  
潔蟾蜍易蝕彩雲散金猊香斷芳蘭折天上月缺行復圓最  
慘人間遭死別朱絃玉軫鳳皇曲兩月團圓駒過隙重泉無  
路追莫及血淚枯時壓冰雪鍊石天可補填海水幾竭此心

不隨月魄同盈缺

藥鑪火爲痛高堂二豎禍臥牀輾轉賴扶持食息周旋常在  
左添薪調火難文武求其爰鑪中有火水沸熬百憂薰心心  
煩勞欲知孝婦心如炙不敢解帶但聽鑪中火急聲喧嘈

護雛鳥卒瘁拮据何時了雙飛翼折冀卵完不圖弱羽中途  
天哀鳴愴悼傷飄飄猶有雛鳳堪承就綢繆牖戶非一朝養  
成健翮翀雲霄嗚呼養成健翮翀雲霄綢繆牖戶非一朝

紅絲燕年年社日常相見爲感主人貞淑心單宿孤飛情不  
變從一而終大義懸豈以貴賤分愚賢食梅多含酸血淚沾  
重泉鳴機軋軋虛窗前相攜相伴常相憐譬如孤松秀冬嶺  
旁有竹箭同貞堅君不見昔日紅絲燕請看今日周姓之婦  
堪與主母垂千年

人日與朝鮮使臣金松園履度李東谷社源尹遠照仁

素小集卽席書贈

來賓納贄通瀛海促席分題及歲時綵勝堆花春爛漫清言

落紙玉參差以筆語不通君多微雨淡雲句昔使臣金清陰有

句松園其我愧新黃殘白詩我鄉張黃門甯使朝鮮與館伴

六世孫也柳折新黃夜半可有才名傳遠徼滄波萬里重將攜謂余楊

風句朴敬服葉紹桂字琴柯佩蓀子歸安人乾隆癸丑進

縣志紹桂冲淡寡嗜欲居官謹慎詩宗唐人兼工倚聲旁通象緯音韻之學著有觀象權輿八卷

出古北口

畫角冷邊霜霜濃野草黃人家淡秋色客路下殘陽寺古松

鱗老山晴石髮香停驂成小憩禪院得清涼

喜晤王秋塍明府賦贈

詩章夙已羨瓊瑤兩世交情更久要薄宦生涯疏酒盞離人  
情緒又花朝年華似水怱怱逝豪氣如雲漸漸消莫便臨風  
促征騎萬條新柳拂河橋

客暨陽三句得沁園春詞一卷錄寄許竹嶼大令媵以  
二絕句

枇杷庭院長莓苔小閣輕陰燕子來吟徧江南落花處斷腸  
人是賀方回

新愁多付沁園春儘說麤豪亦愴神不敢尊前歌子夜知君  
同是未歸人

讞獄示牧令

爲惜民勞合少休蒲鞭治術賴賢侯斂才始免才爲累兼聽  
還虞聽未周越俎漫誇庖可治刻舟終恐劒難求職思無忝

談何易莫更輕爲出位謀

治到爰書獄已成蠻方端合驗與情敢因止辟輕言辟尙恐  
求生未得生民有怨咨難謝責律多疑似貴持平園扉草滿  
推循績願上春臺答

聖明

蔡之定

字麟昭號生甫德清人乾隆癸丑進士官翰林院編修著積穀山人集

府志之定學宗宋儒其主敬行恕之實用見于所著舉念隨筆一書老輩首推爲端人正士

題葉仁甫白鶴山房詩鈔後

竹樹參差繞院深好風吹送北窗陰攜將白鶴山房集清簞

疏簾細細吟

王紹蘭

字南陔蕭山人乾隆癸丑進士官至福建巡撫兼閩浙總督

屠倬曰南陔先生生平學務精博無所不窺著述多至數十種積數百卷其卷目如周人說經八卷周人禮說

八卷

國朝八十一家三禮集義四十二卷儀禮圖十七卷石渠  
議逸文攷一卷董仲舒詩說箋一卷匡說詩義疏一卷  
漆書古文攷一卷董仲舒詩說箋一卷匡說詩義疏一卷  
文尚書說地理志攷一卷逸一卷杜林訓故逸文附桑欽古  
知道補亡一卷夏大正逸一卷古文攷一卷漢魏石經遺字攷  
二卷弟職古本攷一卷逸一卷將篇逸文注一卷漢書地  
理志校正二卷袁宏後漢紀補證三十卷管子地員篇  
注四卷老莊急就章一卷呂氏春秋急就章十四卷說  
文集注一百二十四卷說文段氏春秋補六卷讀書雜記  
十二卷李杜詩鈔四卷王氏泰支瓜瓞譜七卷多未付刊  
送李蘇鄰邑侯

北斗聲名重二京東朝保傳謝初榮百年華髮睇三握一日  
朱輪送滿城漸喜河冰仍綠水稍聞鄉雪盛黃精快船定落  
歸心後客夢頻番天姥青

題王蓬心太守晝夜績課兒圖

蓬樵妙畫能通靈潑墨不假丹與青淋漓寫出雙母節母兮

卹緯兒橫經我初欠伸作魚睨諦觀睡眼爲忪惺忽聞商歌  
出紙上伊吾終夜無停聲中有縑車響軋軋寒雞喔喔羆  
獐須臾萬籟發眾竅按之一一皆可聽非惟繪聲兼繪影簞  
鐙蕭瑟人伶仃半間茅屋漏風雨陰雲如墨天無星林深箐  
密野空闊時見鬼火青熒熒狂飈號怒月昏黑疑有餓虎搗  
柴扃孤兒爾時正酣讀雅熟精辨蟊螟睨母亦停軒試背誦  
書破萬卷水瀉餅兒傍蟹筐見蠶績百升絲縷縑成給此景  
可悲此心苦墨能色色能形形圖窮靈氣尙滿紙炎天飛雪  
寒天螢支機石爛故書在展讀有若新發硎老蓬老手真妙  
絕入古畫室行其庭假令有母不續兒不學對此三日不飽  
五夜醒

項國枏

字仙植永嘉人乾隆甲寅舉人著紅薇吟草

家傳略國枌初仕閩署藩庫大使有應變才上官器之  
擢延平縣知縣以捕盜功薦卓異攝郡篆有政聲林文  
忠貽書有詩才元白治績龔黃之語以其善詩也丁外  
艱去官服闋借補廣西歸順州自桂梧至歸順多隙地  
寇盜縱橫國枌條上勦  
撫十事不報遂引疾歸

己卯嚴瀨舟中作

故鄉翻作客異域若爲鄰流水忙于我高山仰此人客星千  
古獨江月一鉤新莫漫嗟窮旅行行到富春

程

蘭

字薌圃  
錢塘人

過松風堂素江出觀宋謝文節公遺琴聽鼓樵歌一曲  
賦此志雅

吳君好古據幽情示我一器何崢嶸裏以文錦慎藏弄云是  
疊山謝氏之遺琴當時白雁忽南下六宮花木餘冬青趙家  
塊肉墮水底江魚腹葬諸公卿無何信州亦失守團湖兵敗

沙蟲生公鑒世事徒已矣建陽市上旋藏形或云此琴亦攜  
往垂簾撫弄風泠泠可憐未遂首邱志驅逐蕭寺飢腸鳴臣  
心似比百衲碎臣節遠勝哀絃清風塵瀕洞未磨滅南琴北  
硯難相并

公卜卦硯藏天津查氏

宋社已屋典謨廢賸有幾字琴上的

爍昭日星羊胛暗換五百載賴此枯木垂典型徽殘髹蝕製  
作古縱有簫管非其朋遂令古器伴君子手揮目送思蒼冥  
憑君一奏樵歌曲

元兵將入臨安宋毛敏仲隱去作樵歌琴曲以招同志

不是西臺擊

竹聲

龐承福

字敦夫仁和人

秋夜不寐烹茶獨飲用東坡韻寄卣臣

庭戶久已秋風生階前唧唧涼蟲鳴欲眠不眠眼纈重一甌  
頓覺眉稜輕世閒茶味本無二陸經毋乃泥古意豈不聞雲

霧先重天目煎雪消何藉虎跑泉又不聞雙井烹方效巴蜀  
我有磁甌如琢玉由來解渴同療飢久啜能使伸吟眉今宵  
自信饒幽趣況當爽籟相追隨短歌一曲試和坡老韻不覺  
已至月澹星疏時

管

升

字立峯海甯諸生著  
耕雲草堂近體詩鈔

吳振械曰立峯精邵子皇極

經世之學著有讀易小識

管庭芬曰先生近體胎息放翁惜散佚殆盡亡友朱芑

塘舊鈔存二十四首合先君子手錄三十首訂爲一卷

集中和錢塘梁午樓秋

草四律當時以爲絕唱

秋草四首卽席和錢塘梁午樓孝廉元韻

瑟瑟秋生一夜風芊絲不與舊時同春暉欲報心先折詩夢  
重尋迹已空茅東漫懷人遠近蓬飛莫定客西東窗前聽雨  
愁無賴生意憐渠太遠恩

平蕪千里夢依稀  
忍使王孫不賦歸  
徑滿蒿萊人莫到  
庭荒杞菊計全非  
嚴霜重壓蒹葭渚  
苦雨寒侵薜荔衣  
早識在山爲小草  
遙情長逐雁孤飛

最憶尋春春可憐  
鋪茵吐綬襪遺鈿  
新霜不覺點歸鬢  
遠道相思空暮煙  
賸有薜蘿迴短夢  
愁聽鶉鴂妒流年  
西風憔悴青袍客  
獨立苔階惜淨娟

休從搖落惜芳華  
無奈春風過眼花  
金谷荒園埋綺繡  
玉關遺冢怨琵琶  
多情山鬼唳寒燒  
無賴楓人倚暮霞  
我欲呼龍種瑤草  
霜苗露蕊問仙家

周

曉

字一齋  
海甯人

杭郡詩續輯一齋少貧張小肆于里中性嗜詩終日俯  
几吟誦人竊其物殆盡不覺也至暮檢閱太息而已

舟中

路近甯非客辭家悵獨行扁舟雙槳急殘卷一囊輕樹接長隄暗天開濁浪平過橋西進港稚子有逢迎

楊懷棟

字星標海鹽諸生

題三泖漁莊圖卽送德甫先生歸里

小築江村路溪流滑笏平林稀山寺見煙鎖釣船橫雲水留詩社蓴鱸伴酒鎗故鄉風物好迢遞計歸程幸沐河汾澤何當起別情征衣臨驛路小艇到柴荆隔水鳴榔遠穿林短笛清知應惜留滯獨坐對寒檠

戴玉度

字璞舍歸安人

和徐芷堂司馬詠秋海棠兩首

原注十五歲作

不向東風鬪豔妝自甘冷落傍銀牀煙光細潤偏多媚露氣微侵便覺涼深鎖蛾眉低約翠斜簪鴉鬢半垂黃還同化石

兩浙輶軒續錄

卷十六

楊懷棟戴玉度丁承先

吳

山頭望總爲思君怨正長

裝成金屋亦相當無奈多愁獨倚廊夜月離魂悲倩女春風  
度曲憶韋娘長懷遠道三千里低亞闌干十二行薄倖蕭郎  
知也未空煩蛩語惜幽芳

丁承先

字楚冠長興人號贅翁著有贅翁集一卷聊爾爾齋吟稿

金蓮塔院有感

一道滌洄若水濱昔時芳草已成茵鵬盤塔穎高凌漢黿肩  
累恩久浣塵斷壁還留吟月句荒亭無復薦春人我家膏火  
曾供讀枉飽闍黎自在身

邊朝京

字王賓諸暨諸生著錦堂孺話拙遲集

何陳調序畧王賓爲象武遺腹子母氏課極嚴弱冠溫文爾雅經藝詩古俱爲前輩所許可

浣紗江晚眺

蒼煙碧樹繞城隈  
信步沙隄暝色催  
過盡千帆人獨立  
隔江山色送青來

雜感

瑣蚌蟹在腹水母鰕爲目  
駢負壓而馳  
狼狽而逐物生雖  
異類奚啻親骨肉  
莫逆互相資  
乖離各窘蹙  
觸折舟不行  
輪敝車必覆  
和衷成大功  
參商兩非福

蔣若簡

字佩芳太  
平廩生

石橋朱節婦

秋風三板路  
落日蔣家村  
一女留全節  
千秋壯里門  
無人繼芳躅  
誰爲酹貞魂  
沙角潮頭雨  
猶疑見淚痕

章

典

字天敘西安廩  
生著玉亭詩草

龔士範跋畧天敘生平詩不多作性好釋典每至  
蘭若輒低徊不去故詩多隨喜之句亦性成也

遊南禪寺

郭外疏鐘斷又聞南朝詞客過紛紛  
一昔人閒世不及枯僧臥白雲

張元啟

字已可號蘭畦平陽諸生著蘭畦詩鈔

吳承志曰元啟綦毋季弟學於綦毋雅尚吟咏以漁洋山人爲宗主快軒詩則稱其細意熨貼不以粗豪使才不以軼蕩傷氣實能於潛齋外別樹一幟雖未遒爽允足肩隨也卽事四首當在嘉慶元二兩年爲海氛不靖而作措詞命意善學漁洋

卽事四首

華館開牙署行旌駐海疆  
轅門環畫戟鹿角護雕牆  
地貼重重錦爐熏細細香  
由來使節重供帳費周章

閱武頒新令登壇展舊儀  
風雲隨鼓角戈戟肅熊羆  
各守馳驅法誰愆步伐期蒼黃  
分部勒橫海截蛟螭

寂寂籌邊計紛紛上首功幾曾探虎穴翻詫墮龍宮破浪全  
軍少酬勲上將崇祇今仍臥鼓不必效終童  
防禦資長策徵兵豈遠圖但令專控扼自可絕枝梧將帥能  
軍否鯨鯢築觀無庶幾思報答海甸定歡呼

南渡雜感五首

王氣殘唐嘆寂寥鳳山宮闕莽蕭蕭徒傳矯詔誅飛將莫怪  
和戎認小朝半壁河山猶有託兩宮魂魄竟難招汴京爲想  
宗留守呼渡聲聲咽暮潮

蒼黃南渡暫安全鄂國勛名日月懸輸幣議成捐赤縣班師  
詔已到朱僊中原父老攀轅日北寺風波致命年痛飲黃龍  
舊時語九京回憶亦潸然

萬喙難辭悔莫追苻離一敗勢垂危乘機畢竟非長策決勝

兩浙輶軒續錄

卷十六

五十五

哭

川文上

如何更喪師遺恨空磨延廣劒殘軍笑卓曲端旗肯留伯紀  
參廷議大厦雖傾尙可支

開禧政柄屬平原宰相家風魏國孫功著闔門參內禪姻聯  
后族騷分藩爭桑不戢兵端啟納賂多途使節繁堪嘆頭顱  
行萬里鳴雞吠犬倍銷魂

送降太后已簽名闔族羶車向北行窮海尙留先帝子孤臣  
猶練舊屯兵恨填魚腹天難問痛抱龍髯死未平欲向崖山  
訪遺迹千秋史筆自縱橫

兩浙輶軒續錄卷十六

兩浙輶軒續錄卷十七目

王武錫 康 誥 周 檣 孫有元 朱兆熊

許 鎬 王 曇 錢清履 吾德懋 慎元持

陳文煜 章嵩生 樊廷緒 姚 樟 車雲鵬

龐紹福 林 塢 俞廷鑣 董 鑒 徐世燾

錢 寅 章 坤 管世灝 嚴 杰 張伯魁

陸載紀 王士錦 施玉章 樓 春 汪致高

王以銜 莫 晉 王以錡 胡 枚 吳芳錡

沈 焯 王兆正 魏 鉞 張振采 俞作梅

魏 標 曹 綰 馬國偉 朱 鯤 沈鼎生

周 植 陳籥南 潘學鄒 桑廷樞 蘇士樞

倪科捷 印以昌 李超孫 朱瑞榕 孫駕鰲

張躍麟 徐志堅 董 琅 鮑上觀 張校均

倪一桂 吳 鑒 葉道傳 史安節 陳培慶

陳若金 施遇時 陳承瓚

兩浙輶軒續錄卷十七

督學使者潘衍桐訂

王武錫

字載彤錢塘人乾隆甲寅舉人官雲和訓導著規矩草堂詩稿

處州府志武錫天才亮特詩古文詞爲時推重喜與諸生談藝有請益者立爲評騰自嘉慶十七年爲學官至道光五年以病休道光五年復任卒于官

平山堂

到今池館屬誰家猶把歐公故事誇  
五步樓兼十步閣二分月共十分花  
紅橋芳草春調馬綠野垂楊暮噪鴉  
何似看山堂上去大江南北共天涯

康

誥

字二海仁和人乾隆甲寅舉人官平陽訓導著聽香館吟稿

秋暮謠

雲冥冥風泠泠銀牀凋盡梧桐青  
秋城畫角江天暮寥落征鴻下遠汀  
紅窗篝火催刀尺擣衣聲急溪邊石  
關山迢遞未

歸人夢斷深閨秋月白

早寒

歲序去如流依然滯遠游白雲林外岫紅葉水邊樓  
杭稻家鄉樂風霜客路愁長淮寒信早檢點敝羊裘

周

樸

原名琳號松眠仁和人乾隆甲寅舉人官處州教授

貞烈詩爲王淑姑賦

并序

女天台人父與都閩李善以女字其仲子李家金陵  
不知也壻之叔爲姪聘吉氏不得已議兩娶女安之  
而母怒退李聘女聞飲泣賦詩言志乘閒投井死

世人莫漫擬輕生之死靡他忍負盟節比山岡還鄭重心如

井水最分明柔荑瞥覩金環在

母還李聘時獨失金束指繡一枚女卒固依然在指也

幃終看栗主迎

女殉節於乾隆二十四年嘉慶二十年得旌

六十年來潛德著

恩章大筆共崢嶸

齊息園宗伯首紀以詩和者盈卷

孫有元

字六橋仁和人乾隆甲寅舉人官衢州教授

庚辰秋自固安旋里車中口占

綠蔭高槐憶敝廬六橋深處閉門居重游永定盤坡馬七上  
長安逐隊魚婢學夫人新眷屬官仍博士舊琴書秋風整理  
歸鞭好負約湖山四載餘

朱兆熊

字公望海甯人乾隆甲寅舉人官龍游訓導著師儉堂詩集

趙鏞撰行狀畧公望七歲父以資治通鑑授之即能默  
誦乾隆甲寅鄉試文據古注詳廟制與紹興湯公金釗  
於號舍中互誦所作各賞歎榜發同捷治經專易與春  
秋所為易後傳咸異夢覃思十年謂象同於漢儒者不  
十之一理同於宋儒者不十之一春秋新義則以左氏  
為主確信為左氏之誤者乃旁及他說官龍游訓導值  
存饑議振大府知其才欲薦舉之力辭會長子栻之成  
進士遂謝病歸初儀徵相國創置玉環廳環山書院聞  
公望名延為院長立規約十條與諸生朝夕  
講貫玉環僻居海島士知向學公望發之也

辛亥元日和姚雨香

榕元韻

對牀風雨亦良緣  
幾日征途隔歲年  
春意濃於殘臘酒  
歸心湧似急流泉  
人逢佳節憐爲客  
嶺入鄉關合喚仙  
穩臥莫違高士約  
江湖容易別愁牽

題余某觀潮圖

天輪地軸何盤桓  
洪濤滾滾來無邊  
馮夷震盪海若怒  
蒼茫一望齊雲烟  
誰將千里萬里奔  
騰勢高高下下并  
入尺幅箋  
余君江海士  
胸懷浩蕩眼界寬  
蓬瀛繪圖傳勝槩  
枚乘之筆昌黎之文  
君足參其閒吁嗟此圖真巨觀

許

鎬

字心泉號字庵嘉興人乾隆甲寅舉人官嚴州教授著松筠軒詩稿

校官詩錄君學問淵博兼精天官樂律句股醫卜之術著有五經彙說孚庵讀書隨筆龍游小志棲菴齋文稿

題七姬權厝志

滎陽左丞吳王壻開府東南佳麗地七姬明慧善承恩同心  
箕帚兼才藝魏公提旅入平江轉戰琬戈未肯降愁絕佳人  
難引決英雄無奈淚痕雙一姬慷慨跪請死眾願相隨驪悅  
起焚骸橐葬絕堪憐高原未卜兵塵裏齊雲樓下火連天珠  
隕飛灰玉化烟兩地同埋情惻惻七心不負恨絲絲嗚呼妾  
死丈夫夫死國赤龍船燬昇山北肯教巾幗愧鬚眉毋爲人  
恥言猶憶仲溫書法比鍾繇片石摩挲重若球春風細雨桃  
花塢縷縷香魂萬古愁

王

曇

字仲瞿秀水人乾隆甲寅舉人著煙霞萬古樓集

府志曇博通經史旁及百家負奇才善道家掌中雷法左都御史某以曇薦會川楚匪起方禁邪術薦曇者夙與和珅有連坤敗方引避曇亦被牽不復振乃落拓江湖佯狂玩世陳文述序畧秀水王君仲瞿奇才也奇於文亦奇於詩言論風采出以游戲雄辨博奧所至傾其座人類談天

雕龍所爲非狂傲也而世人咸以狂傲目之又爲座主  
吳公假其名形諸奏牘得以微罪罷官歸里而君之名  
遂爲世人所口實屢試南宮擯于有司卒潦倒不得志  
以死生平著錄甚富大半零落駢體文數十篇錢君梅  
溪蒐葺付梓詩稿十餘卷君病中付余子裴之  
爲敬禮定文之託今年余至繁昌乃爲刻之

重過穀城書宋汝和觀察項王碑

大雞山後小雞前馬火人燐一豕煙白帝山阿五十步羊公  
碑版二千年

墓自漢迄今從無碑碣汝和觀察守汝始表禁步

霸才遇主談何易轅

下無牛祭不虔亦有烏江歸去客穀城山下再流連

平山堂同金樓亭羅兩峯先生作

淮南雞犬竹西僧占盡揚州此一層百劫山河隋大業一家  
文字宋廬陵恩恩絲竹空哀樂久久樓臺幾廢興笑問木蘭  
今長老南朝香火有然鐙

題松陽葉法善所刻李北海追魂碑後

力士之腕力可折名士之筆力莫奪死人之文人可求生人之魂追豈得我讀萬卷書不受方士惑始疑李少君傳有返魂術忽而葉道士亦弄此詭譎人有魂則生魂去必不活如何生人魂如探囊取物葉父名有道姓與郭泰別李邕與蔡邕意欲相髣髴唐人諛墓文邕也名姓熟謂是北海書可以榮貽厥君不見索劒私摹鍾會書大令偷題右軍筆又不見怖鴿濃書碧落碑千年奇字費氈槌天下愛求邕筆蹟將軍遂有兩雲麾不如身到天衣寺親見邕書不必追

今會稽天衣寺有李

邕所書二千字碑板字畫完好重兩雲麾者不知此碑之留傳空山也

### 宿華頂禪林

一枕廣寒月溟濛下界煙人從離垢地身臥蔚藍天佛火冷於水天星大若拳剛風搖海岳驚夢不成眠

別法梧門庶子詩龕

一龕生意冷於僧海子橋頭六月冰南國詩人薩都刺中原  
儒雅斛斯徵金牌石鼓成均舊黃馭東宮庶子能

由祭酒憶左遷

自西涯提唱後祇將公當古然鐙

姚秋農殿撰寓居休園修揚州郡志一手撰成良史也

小宋新書蠟燭紅琵琶康海又恩恩百家事類淮南子一手  
文成太史公閣部梅花新聞史平山鐙火舊春風當陽官紙  
尙書筆留在揚州十日中午

時已服闋爲十日留也

城南雨夜與鐵雲姨丈話舊

昨宵篝火聽雞聲夢裏橫行見長卿吳下名儒無後輩燕南  
才子是先生羊公譽鶴渾難舞平叔刪書敢便成喜與徐公

謂朝玉

孝廉同彥會半篇漁父坐三更

夫子聲華日下傳出門也是別離天堦鄉住後吳音熟母黨  
傳來阿士賢海內英雄餘子在南中骨肉幾人全西州賣斷  
羊曇路判取衷腸話兩年

劍合雌雄暗自誇飛騰還讓渥洼駒文章不負三條燭名姓  
爭添一榜花元度官銜新著作終軍容貌舊年華天南回首  
南湖路一帖泥金祝到家

登翠微亭

江中日落衣帶圍西風吹人人不歸水禽膊膊水中落有翅  
不得空中飛拍手呼山山欲笑老馬銜枯向空叫君不見晨  
風兒布穀飛來化爲鷓鴣朝遊武昌雲暮踏海西石滿山紅樹  
一江風萬里長空遮不得

大雨揭禹廟空石題名紙溼不得上石

空山一聲泥滑滑雨腳渾泥雨中沒鬼神不許瞰山文大隊  
雲師怒唐突女媧昇車補天漏禹廟中心天有竇虛空水孔  
大於孟雷公一鳴小龍吼妣王好治地上河功成不剡天河  
波稱錘石上人名姓洪水年間担水婆

錢清履

字慶徵以塏孫嘉善人乾隆甲寅舉人  
官陝西白河同知著松風老屋詩詞稿

府志清履官蘄水時嚴斥埃清戶糧進邑中子弟教之  
如家兒而發姦摘伏不稍姑息膺卓異陞白河同知年  
餘六十歸邑中官紳重之每有疑難得其一言以快平生喜爲詩

周芸臯觀察舟抵漢口以詩相迓

聞道風帆下襄漢旌旂紅映水中流辭聽歌舞銅鞮曲來領  
江山赤壁秋百丈高城完雉堞一家仙眷上蘭舟鯁生尙爾  
遲歸棹爲要從公話昔游

大隄贈別柳枝句未到襄州難和歌南國甘棠思菱舍西江

涸鮒望監河還期一見文談劇好慰頻年客緒多只是淵明  
近止酒不堪相共醉顏酡

偕徐慕耆同年時英自荊州聯舟回途中作

瑟縮蓬牕底西風倚棹吟同年不隔面知己得論心落拓紅  
塵誤蕭疏白髮侵岸楓霜漸染秋意感人深

吾德懋字子勉又字南園海鹽人乾

陳昌齡傳畧君讀書目數行下工爲詩古文詞皆經經  
緯史根抵盤深卓然爲有用之學書法宗蘇米求者踵  
相接又旁通天文句股諸學得甄鸞五經算術爲校其  
訛脫尤熟於掌故凡遇片紙隻字有關文獻者輒手錄  
之

### 寒食卽事

紫燕尋春掠晚風玉蘭初謝海棠紅年年花館逢寒食舊夢

### 新愁細雨中

紫藤僧舍與章六

頌椿

夜話

一覺春明夢良宵話短檠月光窺戶靜花氣撲簾清茗椀留  
初地煙蓑滯舊盟秋江歸棹晚惆悵隔蓬瀛

慎元持

字治塘號錦潭歸安人乾隆甲寅舉人官湖南平江知縣著錦潭詩鈔

遊橫山

生性耽林泉有山卽登眺振策陟危嵐探奇信所到宿雨喜  
新晴桃花迎日笑山鳥驚飛鳴松風響石竅俯視萬家烟春  
波送歸棹披荆見疏籬柴門懸夕照居人採樵還峯頂聞長  
嘯清境亦句留誰識天機妙安得有佳處亭前坐垂釣

途中寄雲裳

柳條含碧日初斜撲面征塵驛路除無奈客愁消不得清明  
時節轉離家

嫣紅照眼綠盈枝  
纔試輕衫麗景遲  
最是鳳城春好處  
憶君花下共題詩

陳文煜

字我琦號蓉裳歸安人乾隆甲寅舉人官湖南沅陵知縣著吳興合璧

游華山投宿精舍

空山微雨過  
草樹滴新綠  
春泉瀉百重  
靜聽蕩塵俗  
幽廬杳何從  
斜日隱山曲  
去去投香林  
迢迢送游目  
閒雲怡我心  
清流濯我足  
明當到天池  
採取蓮葉服

月夜聽琴

羣動一以息  
月出當花陰  
美人坐遙夜  
張此風中琴  
曲罷河漢斜  
涼露霑衣襟

章嵩生

字松樵德清人乾隆甲寅舉人

夜雨

小霽無三日簷聲入夜沈衾寒難索夢蛩溼不成吟疏柝連  
鐘斷新苔抱砌深芭蕉三兩葉葉故園心

樊廷緒

字莫齋會稽人乾隆甲寅舉人官富陽訓導著寓沙詩鈔

獨漉篇

獨漉獨漉水深泥濁天寒日落傷我手足有鵠鵠爵爵來投  
人豈不欲炙殺之不仁人皆樹檜我獨樹樛十年之計不厭  
其遲蛟螭格鬪白波連山願得利劍斬之於淵長途喪車貧  
女無媒年紀將老我心則悲十日九食窮鬼齟齬甘爲鵠烹  
不爲鶩活

姚

樟

字蕓林會稽人乾隆甲寅舉人官麗水教諭

校官詩錄姚氏推越中望族蕓林又善繼述此真讀書種子也泊鷗吟社蕓林與焉

謝文節公號鐘琴歌爲吳素江明經集唐人句

燕山雪花大如席

李白

水泉冷澀絃疑絕

白居易

傷心應倍雍門

琴瑟

淚痕血點垂胸臆

杜甫

跳珠撼玉何鏗錚

白居易

白日不

照吾精誠

李白

謝元暉歿琴聲寢

白居易

惟有南山依舊青

段成式

風流五百年

李白

朱絲有斷絃

杜甫

雨淋日炙野火燎

韓愈

不知幾

許猶流傳

韓愈

仁向草中耿介死

李白

無端更渡桑乾水

賈島豈非

正直能感通

韓愈

無心之物乃如此

李白

燕鴻始入吳雲飛

李白故

鄉山水路依稀

羅鄴

知音自古稱難遇

韓愈

且向錢塘湖上去

白居易

易中有弄琴人

白居易

吳生遠擅場

杜甫

并除俗事盡

白居易

拂拭

生輝光

白居易

清風生其閒

白居易

靜埽松下地

白居易

垂誠仍鐫

銘愈從來多古意

杜甫

千山明月淨干戈

杜甫

如此至寶存豈多

愈獨鶴不知何事舞

杜甫

高樓懷古動悲歌

張喬

### 再賦次素江韻

自抱鳴琴到冀州琴隨人去恨難休六陵殘骨遺民淚三尺  
枯桐古寺秋越海悲風龍種盡燕山涼月鶴聲愁可憐一掬  
纍臣血灑向桑乾古渡頭

堂上松風徹夜清冰絃彈處怒濤平精魂欲悟三生石遺恨  
難忘五國城餌敵黃柑真似戲渡江白雁已聞聲黍離麥秀  
孤臣痛不是成連海上情

七年後死未云非留贊猶尋柴市衣正氣本同天日儼忠魂  
還逐海雲飛紅羊劫換悲難挽朱鳥歌殘去不歸剔盡苔花  
見銘字摩挲合薦故山薇

厓山王氣久消沈人代茫茫賸此琴五百年來空浩劫三千  
里外有知音夢回香國藤蘿月修到梅花鐵石心好古恰逢  
吳季子七絃愁撫淚潄潄

送山陰邑侯徐燮園先生

元梅

之遼州新任

集唐

宿習由來有慧根

劉禹錫

文章談道得淵源

顧

漢廷卿相皆知

已

白居易

魯國諸生半在門

劉長卿

醉坐自傾彭澤酒

孟浩然

格高

長對孔融尊

羅隱

世閒禊事風流處

鮑防

聞道禽魚亦感恩

賈

車雲鵬

號荔坡會稽人乾隆甲寅舉人宮嘉興訓導著螢窗雜錄

潭西精舍

五龍潭畔闢禪林乘興時還挈伴臨滿目煙蘿無紙畫一灣

流水不絃琴地連城市喧仍靜日到園林午亦陰欲訪山僧

參妙諦松關掩處白雲深

龐紹福

字少梅會稽人乾隆甲寅舉人官海甯訓導

周貞女詩

逝水日夜流赴壑終激清鹽官有貞女周姓恆其名貞女夫

曰楊貞一夫也不祿女在室精魂感夢書題帛鬼車夜叫天  
月黑呼天搶地存一息堂有垂白死不得謂女無夫女有夫  
門前百兩將素車謂夫無子夫有子果羸螟蛉式穀似古井  
水終不波蘭馨蕙馥松喬柯吁嗟乎貞女之貞有如此豈不  
足以扶天綱植地紀豎儒自言達古禮引經爭之口方哆

林

搗

字幼謙龍泉人乾隆甲寅舉人官甯海教諭著西溪賸稿寄園詩鈔

縣志

搗幼穎敏讀書日千言長益淵博乾隆庚子

六飛

南巡獻賦蒙

御賞

歷蕭山甯海教諭有胡安定風歸後閉戶著書老而

彌篤有讀史比事甯海龍泉括蒼典略紀程小稿

周耿光序畧先生博極羣書爲龍泉第一學人所著或

清新俊逸或沈博絕麗或如駿馬過坂孤鳥鳴林而賸

稿中皆未之及竊歎先生才高遇蹇

卽詩亦不盡傳則先生之遇爲之也

白鶴篇贈端木子彝

翩翩白鶴集于中阿行顧簣簣載整其儀晨飲瓊露夕餐丹

不愧無好爵縻之若何

翩翩白鶴集于中野心驚萬里載招其侶蕩蕩天衢偕之軒  
舉侶翩翩維鍛徘徊修阻

翩翩白鶴集于中邑君子曰歸尚賓王國令聞洋洋其才孔  
碩緝熙

皇朝式勉爾力

### 公狗猛三章

公狗之猛圓目大頸守公之門嘉客匿影公胡弗省  
猛狗恃公當道如熊羆給所欲門乃可通公胡弗聰  
公畜猛狗他人亦有公至不顧狗將攫肘公能搏而走否

### 買渡歌

爲私渡耶渡何私爲公渡耶買何爲怪哉壩頭之舟師羣車

紛然集水涯以舟傍岸價居奇先給錢者先渡之我欲揮拳  
控其頤卻念力薄不足支一笑命僕示以資百般告說口爲  
疲青蚨數串一不虧挽車登舟舟乃移兩騾先涉迎風嘶脂  
轄整駕就道馳已渡令我轉增歛輿梁縱難人力施奈何行  
旅任詐欺寒士空囊季女飢僮乃盡計索銖鎰不然趁虛投  
店恐遲遲司民牧者知不知

衢州

擊柝山城曙揚舲澤國秋風輕帆力細波靜櫓聲柔把釣思  
河鯉忘機羨渚鷗何須隨博望此卽泛槎遊

晚過清心亭

餘霞明絕壁落日澹清波驛路春將盡津亭晚獨過藤陰人  
影亂石罅水聲多不覺滄浪興扁舟發浩歌

去官

有客敝裘纔掩脰襟懷全與俗人殊高眠閒作遊仙夢兀坐時看罵鬼書中聖自誇徐邈匹去官便欲展禽如漁山樵水憑誰識垂老生涯或未疏

俞廷鏢

字昌時德清人乾隆甲寅副貢

家傳畧昌時乾隆甲寅科已中式填榜拆封監臨吉公見年已七十謂可邀恩賜言於主試易之人咸以爲惜乃怡然曰吾老矣留此以貽子孫不更美乎後其子鴻漸孫林及樾曾孫祖綬元孫陞雲科第相繼人以爲斯言之驗

拱元橋散步

村落蕭然亦復佳背山臨水面桑麻隔河邱隴間松籟傍舍田疇看稻華父老神祠歸爛醉兒童鄉塾散喧譁拱元橋畔閒扶杖不入城門兩月餘

董

璚

字鏡溪  
錢塘人

葉二十六

元坊

招飲城東酒壚賞菊

秋風蕭瑟秋雨寒  
秋花寂寞無人看  
主人愛花兼愛客  
招邀折簡陳杯槃  
深紅淺白閒紅紫  
高下位置紛奇觀  
有如鼎彝列案几  
燦爛五色敦古歡  
又疑名士集魏晉  
翩如入座皆衣冠  
今人古人近相接  
斗室但覺十畝寬  
態濃意澹極諸妙  
挹其秀色良可餐  
商聲忽向四絃起  
美人手把琵琶彈  
燈邊笑語雜吟詠  
酒酣耳熱衣忘單  
畫屏歷亂簇花影  
起視天半明河殘  
吾曹冷落得秋氣  
萍蓬遇合非無端  
當歌痛飲莫辭醉  
尊中酒凸生微瀾

徐世燾

字好齋  
仁和諸生  
官蕭山訓導

讀東坡松風亭詩有憶

松風亭下月黃昏坡老當時幾斷魂久識此邦人物美百年  
喬木至今存

晴雪梅花盡一觴此髯流落亦徜徉莫云洛蜀紛爭甚和韻  
他時有紫陽

錢

寅

字宇春仁  
和諸生

余氏雙節詩

鳳凰山前靈氣鍾蒼蒼繞麓柏與松余家閭範景肅雍一門  
雙節留芳蹤憶姑于歸稱女宗德言功備不但容事翁盡孝  
相夫恭無何九載罹鞠凶鸞孤鵠寡子幼沖丸熊畫荻勵英  
鋒西風更折秋芙蓉深閨孝婦酸心曾鉛華屏御綠鬢蓬悲  
歌恨隔泉臺重與姑操作相追從爲伯禱嗣號天公上蒼賜  
育荀家龍媼氏補鍊稱神工秋復秋兮冬復冬未亡人兮村

輟春太史乘車來采風載之志乘管以彤梁媛巴婦誰許同  
宜諡曰敬與曰其

章

坤

字靜山仁和貢生著

吳錫麒序略吾友靜山率天性之真極夷曠之趣折衷  
儒者被服古人每當朱華晝數素魄宵燭詩書夙好儼  
宮商之可諧奇翰相尋共雲煙  
而無盡例之騷雅豈不謂然  
沈赤然序略靜山能文章工書法其詩長  
篇大什才富氣充詠古諸詩深見識論  
抗郡詩續輯靜山性淡泊少年能文章工書法獨不喜  
爲韻語中年以後絕意進取乃以詩酒自適杼軸性靈  
自有  
真氣

清明柬潘春巖

仁

雲浦

立名

清明恰值重三節細雨斜風更愁絕侵晨忽喜山窗明好趁  
晴光理游屐去年曾記踏青歸扶醉花間香滿衣舊夢重尋  
芳草路夕陽還扣野人扉近來游侶多蕭索老去情懷厭徵

逐扶筇尙畏行路難  
衙杯空羨看花樂  
我聞香山居士病纏  
絲是日無聊只愛眠  
吟罷小樓風雨歇  
鶯花不見度流年  
又聞是日黃州道  
夢裏吟詩有坡老  
石泉槐火一番新  
禪味詩心俱入妙  
如此芳辰可不游  
那堪踽踽無朋儔  
閒吟獨酌意亦得  
忽聽屋角鳴春鳩

登吳山晚眺柬余慈柏

鐸李西齋堂

劇憐身似一輕鷗  
散策宜偕靜侶游  
殘雨樹迷江寺塔  
夕陽山入酒家樓  
且禁雙鬢蕭蕭冷  
閒倚孤筇處處秋  
更愛雲居無客到  
摩厓舊蹟共尋搜

春盡日沈梅村招集玉蓮庵湖樓次吳穀人韻兼呈孫

燭溪

傳曾

依舊僧樓面水開  
流光屈指暗相催  
烟巒當檻盡爭出  
風雨

送春如約來鴻爪依稀猶可認鷗情浩蕩未飛回常嗟忽漫  
相逢後又是離筵暫舉杯

漢靈帝

鉤黨從闢孽誅鉏盡俊賢經雖門刻石爵已耶輸錢父母呼  
常侍蜺雞警昊天將軍空講武社稷痛將遷

宋徽宗

書畫三吳訪軼材如何又召蔡京回樓臺紫氣從天降花石  
黃封動地來鐫石除名姦黨重圖燕浮海禍機開藥師鐵騎  
懸軍入曾拜珠袍慰乞哀

題宋遺民唐珙傳後

厓山久失小朝廷流血嗁鵲不忍聽惆悵殯宮珠玉盡年年  
寒食哭冬青

管世灝

字月樞  
海甯人

杭郡詩續輯月樞性孤傲不諧於俗嘗薄游燕臺作弔  
荆卿樂府深爲汪雲壑殿撰所賞遂訂交詩學西崑運  
筆輕倩頗近於詞  
著有影談四卷

賣花詞

手挽筠籠立曉霞  
小紅橋外路三叉  
豪門未啟侯門遠  
先到青樓姊妹家

梅花纔了杏初紅  
含蕊桃枝著雨穠  
最是嬌癡小兒女  
薔薇未放問芙蓉

金谷名葩未足誇  
半肩春色鬧蜂衙  
白頭老嫗摩挲遍  
祇檢鮮紅壓髻花

花籃茉莉結重檐  
新樣花枝著意添  
雨過一聲穿曲巷  
紅樓幾處捲珠簾

嚴

杰

字厚民號鷗

府志杰潛研經術邃學能文穿穴傳注尤得漢唐經師  
家法發爲詞章樸古奧衍阮文達督學浙江得其文大  
驚異之創立詁經精舍以杰爲上舍生編經籍纂詁後  
至粵佐阮纂

皇清

經解自著有小爾雅疏證蜀  
石經殘本毛詩攷證傳于世

錢蕙窗招同人江上看紅葉

霜染秋楓似彩幢貪看竟日面澄江迷離曉色村前剎映帶  
霞光浦外雙赤岸自搖風瑟瑟碧城猶遡雁雙雙寒山返照  
僧歸去林際煙鐘已早撞

張伯魁

號春溪海鹽人官甘肅平

盧光華序畧春溪篤行工詩家素貧年甫弱冠卽出謀  
升斗之祿入長安爲香亭先生所器重遂致館焉日相  
唱酬偶有所得伸紙疾書

七步之捷殆不足難也

春日懷歸

辭親求祿養不如安農畝親年近花甲相隔日已久遄歸慰  
親心待看明歲首牀頭熟春酒上堂壽父母兄弟及少妹文  
章自相友兒女復成列詩書誦滿口時遇諸父老相勞情孔  
厚不言官長事田廬慎相守豐年足衣食租稅輸莫後力田  
盡孝悌勿效牛馬走

遊天台山宿山下郵舍

未到天台路暝投臨溪屋村翁禮貌古見客下黃犢土房新  
泥燥願客歌宿宿入室嫗怒嗔頗訝客不速客知連年豐田  
家乏脫粟官稅敢後時轉子期已促借錢每月抽還日打轉子翁言典鐵  
鋤亦足充客腹近前敬謝客勿嫌愚婦瀆感翁意良厚倉猝  
供麥粥飢者易爲食饜飫及我僕我聞北門貧交訢聲相續  
男女各言傷採風省方俗就枕不能寐荒雞嘯喔喔揮手謝

老翁春風滿寒谷

陸載紀

字抱青號數南平湖歲貢著鴻漸樓集

胡金題曰邑志稱載紀詩數倍劔南所刻家傳亦載有集六十卷未梓余訪之先生後人得廣陵集楓溪草清吟堂鴛鴦湖草崇川偶草粵游草家居雜言共七卷卷首各有自題弁語總名鴻漸樓集計古今體七百十首有奇台之志傳所稱非全豹也

桂林清明曲

海榴紅透向陽枝  
卻是清明二月時  
我欲題名天柱北  
無端  
熨女唱新詞

口簫腰鼓愜深情  
載榼提醪結伴行  
呼布呼梅渾不覺  
布梅夫婦  
相背人猶問伏波名

細疊湘紋埽綠苔  
盤絲繪蠟樣新裁  
里長  
約束長如虎  
不敢重傾醉後杯

王士錦

號鐵舟歸安人著

家傳畧鐵舟晚年自號狂生居士父連璧備兵淮揚廉潔有聲家無僭石歿祀清河縣景行祠鐵舟事後母馮至孝天性真摯流露於詩書法義獻並著典衣買石記采日小輞川捐充龍湖書院遺蹟尙存著與衣買石記采入菱湖鎮志

舟至富春江口占

扁舟新自故鄉來書笈茶鐺共一堆  
明月不愁波路遠野花偶對客船開  
高堂衰白休輕別滄海浮沈空費才  
此去錢塘江上近酒人相約幾徘徊

施玉章

字御頌號拙安孝豐人著研露齋書評

吳五鳳傳畧先生于經史多所涉獵尤善書得米元章真蹟書益進其筆窠題額屏幃多稱于時王以銜跋畧拙安家萬山中終日居所謂研露齋者揮毫拂素脣齒皆黑無倦容早歲工楷書於崔瓊入法深入微至好捺剔金石碑版過目卽能鑒別家故藏唐宋時名流手幘吉光片羽往往而有臨池之暇輒集諸家

爲之推評審定積卷若干大旨祇晉以前諸公而宗王氏于古人師承臨摹之旨頗具堂奧視姜白石之續書譜廬陵曾氏之石刻鋪敘更能度人以金鍼者匪獨嗜古之篤也

甌橋晚步次兄友溪韻

雲氣闕寒色日腳懸高峯循溪路曲盤漱流亦醇醲林筵簌  
山翠一片青芙蓉天霽健遊屐逕仄曳短筇夕陽邨復邨一  
人煙封詩情澹若水畫意宜于冬東臯求隱淪南郭訪老  
農茗話一食頃暝色入下春伯也工苦吟吾欲同芳蹤

樓

春

字春田號拙三諸暨諸生著照顏軒詩稿

孟貞女柏樓歌

衛女詠柏舟孟女居柏樓柏舟柏樓隔千載孟女足匹衛女  
休曾聞少字獨角麟未婚早充觀國賓一時直聲震天地不  
憚上書批逆鱗幾幾牙冠付白練女也聞之淚如霰之死靡

他百鍊心何必生前曾一面外襲常服衷縗麻衝門一躍歸  
夫家父兮母兮留不得相看掩淚徒咨嗟自從姑舅相繼歿  
炊煙朝朝斷墨突精誠上感天地心況是高堂雙白髮迎歸  
柏樓深復深檐外不來雙飛禽飲檠茹荼戰霜雪冰心寫以  
柏樓吟柏樓吟聲何哀百結愁腸繞柏臺郎身不作風前草  
妾心願比巖閒梅卽今墓木拱已久士女相約拜重九柏樓  
無復歸然存孟女之名在人口

汪致高

字泰峯號亦園西安人  
考授州同著亦園詩稿

申甫撰行狀亦園孝友性成姿極聰穎四  
部之學好爲研究尤工詩有亦園稿行世

### 西莊漫賦

雲鎖峯腰竹鎖村竹雲深處有柴門水邊碓熟新春米雨後  
沙平舊漲痕高柳蟬聲嘶夕照隔谿漁火亂黃昏山家最是

秋來好一枕酣眠古樹根

王以銜

字勿庵歸安人乾隆乙卯一甲一名進士官至工部侍郎著閒燕齋詩存

縣志以銜渾厚和易與人處終日無戲言平生口不言人過亦未嘗臧否人物天下稱爲長者

姚文田撰墓志畧公捷禮部試名在第二第一郎公弟

以銘一二人皆浙卷前此所未有總裁寶東泉先生謂

聖明

也當時噴有煩言幸以省故力排衆議亦不意其爲兄弟

聖明洞燭乃解厯掌文衡所取士皆平正通達一洗險怪蕪

雜之習嘗入直南書房又改直上書房卯入酉歸恪勤匪懈道光初以

潛邸舊學知公體豐碩不能任勞苦因

命專理部務然

眷顧之恩如舊公以此

益自勉卒於位

送沈蕞山之官銅仁

白馬青絲韁蹀躞關山長雲開月霽天萬里丈夫志氣凌八

荒沈君沈君好懷抱少年挾策長安道飽啗紅綾餅談來琪

花插徧蓬瀛。愧我長吟苦未休。羨君乘傳八閩游。千頃鰲  
江連渤海。盤陀鐵網珊瑚收歸來。

天子賜顏色。文章嘉爾能華國。寵移東觀歷西臺。鴻逵儀羽  
鵬搏翼。瘦馬行來按部徐。路人爭識使君旒。天風忽送黔中  
去。睠懷猶在承明廬。歌我詩酌君酒。人生聚散夫何有。他年  
豔看印江花。今朝先折燕臺柳。君不見徐紹先。蠻花犵鳥羅  
堂前。又不見粉署。蠻宮曜金碧。北平遺澤人。思田臨風忽聽  
笛。三弄遙看福曜照。南洞建牙吹角有光輝。名士千秋相伯  
仲。

雨中過龍眠山

龍眠山人不可作。此山萬古摩蒼穹。天公特爲開眼界。一雨  
洗出青芙蓉。竭來蝸廬苦湫隘。魚入盆盎鵬棲籠。鞭鐙小憩

題策馬雨絲風片交空濛陡然蒼翠撲眉宇四圍合沓巒光  
濃晶瀑倒瀉百幅練洪濤遙捲千枝松金支翠旗時隱見曉  
煙羃厯蓬萊宮犖确歛乘氣躋上萬壑一碧涵秋容吁嗟乎  
西園雅集裙屐杳山莊妙筆雲煙空何爲扶輿氣磅礴只聞  
三李留芳蹤此山造化不得有一家私詫英靈鍾文采風流  
自餘事騷壇已足矜豪雄況乎男兒志崛強邱壑何以超凡  
庸金穿石泐百不懼置身簞絕天都峯白雲蒼巘在腳下眾  
山俯視如兒童狂言應被山靈笑恍聞巖鳴谷響遙答嵌空  
中

題皴雲石應禾中馬容海屬

女媧補天賸瑤質波紋蹙起雲頭黑五丁有力擘不得蒼黛  
獨留萬古色粵海將軍勇莫匹百戰勲追銅馬式千夫輦致

鬱林國孤撐芙蓉訝奇特瘦透不受苔皴蝕草莽魚鱗儼篆  
刻主人蕭齋重拂拭傲彼仇池誇劣巔獅蹲蛟舞誰貌出眼  
底雲煙揮不律米家寶晉松杉植我欲躋之一品秩

秋日晚眺有感

紫清城郭矗高寒墜道飛廉接上蘭山色萬重連雁塞河聲  
終古落桑乾東京禮樂張衡賦北闕勲名貢禹冠十載春明  
緣底事愁懷遙睇碧雲端

振觸江南舊草堂春臺慈竹鬱清蒼頻年衣綫關山路卅載  
琴書伯仲行毛義當時欣奉檄姜肱何日話連牀西風蛾術  
齋名黃花瘦豈爲蓴鱸始憶鄉

四海朋儔一子由豪吟風雨鳳城秋文章漫詡蓬池鱸身世  
原殊閣道牛徐邈百杯頻中聖杜陵萬卷傲封侯騎鯨一去

憑誰問蕭颯商飈白雪樓

少陵草堂

玉山高齋錦官城天使騷壇獨主盟巴蜀三秋孤客淚乾坤  
萬古草堂名文章老輩追風雅兵火頻年隔死生芒屨烏巾  
遺像在滔滔不盡大江聲

莫

晉

字寶齋會稽人乾隆乙卯一  
甲二名進士官至倉場侍郎

樂安家誥寶齋莫先生于余宗世有連及吾祖問學最  
契家居時過從綦密先生于嘉慶己巳歸里阮文達公聘  
掌教鼓山書院序刻劉子人譜頗編嚴理欲之分而歸  
重于改過遷善取士必先制行而後文藝常自言幼極  
魯年十三受四子書日三行讀千遍南能背誦學極苦  
而志益奮或旬月不鬚髮一行讀千遍南能背誦學極苦  
震霆眩絕久之比蘇再披經籍則詰屈聲牙亦一覽成  
誦矣因切戒學者毋歸咎生質輕于自棄又嘗重刻明  
儒學案及龍谿全集各繫弁言于陽明之學實有心得  
其云學陽明必自龍谿自卓吾評選語錄附會釋老之  
談大失龍谿本意亦足為王門雪誣止謗吾祖尤亟稱  
之謂先生之博綜羣籍乾嘉以來誠罕有其比然第以

是目先生  
則失之矣

頑石篇寄陶君石鶴

稽山有頑石形性稟堅白琅玕空類珠砭砭不成璧愚公徒  
谷餘遺此一卷頑仰蔭百丈峯俯臨千仞窟棲託旣幽遐才  
地復偪窄辨色非芙蓉成文無竹葉功乏補天煉情乖投水  
逆竊窺九華殊空洞三茆別未入元章廨未登茂灌宅僧孺  
不我收德裕不我惜上經山溜穿下受波濤齧梁畏神人鞭  
羽怯將軍射圓影隨星隕方紋作冰裂履卑句詠詩介貞爻  
占易長愧辱泥塗無計離巖穴過客驪然哈怪爾何陋劣天  
劍與地符石乃氣之核或支河漢機或布帝臺弈或然夸父  
鼎或擣玉女帛或豎啟母碑或飾越王櫛或獻肅慎貉或治  
昆吾鐵或貯鄱陽倉或建荊州闕或留羅漢影或擘巨靈蹠

或鐫張灝印或橫肩吾尺或揚武陵帆或剖沮渠冊或化陳  
倉寶或矯零陵翮或刻鯨魚形或印龍馬迹擊拊帝陛陳關  
和王府列砥礪禹貢羅嘉肺周廷設胡爲甘不材瓦礫同棄  
擲空羨三品尊不合五如格負此落落姿鄙茲硜硜節石乃  
作晉言請解客嘲曰比歲處窮鄉頑鈍謝驅策方心難轉移  
可卷慚非席塵垢翳性靈磷緇困磨涅文木藉雕鏤雲錦資  
褻積攻錯玉器成洗鹽金彩發什襲嗤宋人運斤待郢客漱  
懷子荆風磨憶公幹說恭惟醉石名傳自陶彭澤文孫號石  
簣名山藏祕笈仰祈斧鑿痕坐受切磋益宛轉引雲根玲瓏  
蹶山骨剖璞吐長虹拭鏡寫明月入網伴珊瑚吸鍼螭琥珀  
光瑩玳瑁梁氣潤水精碣伏池穀一泓硯山屏千疊臨平聽  
鼓鳴泗濱采磬折何時知已伸巨鼇戴突兀

忻州汪刺史訪得元遺山墓爲立冢戶置墓田建野史  
亭都下盛傳其事詩以紀之

嶙峋玉骨元丹邱乾坤清氣筆底收策馬太行成壯遊興來  
濯足黃河流淋漓醉墨蟠銀鈎箕山琴臺恣冥搜春風染翰  
鳳池頭九天咳唾燦琳球梧宮一夕不勝秋老鰲抃舞滄波  
浮銅僊辭漢淚凝眸滄桑閱世同蜉蝣靈光歸然碩果留野  
史亭邊歲月邁百年文獻萃中州千鈞一髮古綆脩詩追甫  
白文韓歐獨步金元無匹儔撐霆裂月志未休抽刀不斷人  
閒愁大荒披髮驂蛟蚪縹緲白玉仙人樓嗚呼先生不可求  
荒煙野蔓埋松楸使君好古爲閭幽韓巖展謁停鳴騶練日  
鳩工相度周龜蚨首重雕鏤森森筆力回萬牛千古詩人  
土一抔氣壓華屋公與侯高山流水長悠悠河汾遺老無恙

不安得喚起南冠囚月露松風共唱酬豪情突兀凌滄洲

送陳實甫之官秦中

閱世深來寵辱平虛舟飄瓦久忘情氣吞渤海原高曠節勵  
風霜倍老成漂泊漸憐

雙闕遠浮沈早付一官輕白頭衰益丹心壯千里褰帷叱馭  
行

楚弓得失本來微塞上誰窺倚伏機遠志肯隨飛鷁退前塵  
且任雪鴻飛飽諳世味宜緘口未報

君恩漫拂衣行橐何須誇載石惟餘琴鶴鎮相依

祖道恩恩未唱驪別君早恨識君遲百年身世桑三宿千古  
功名黍一炊水石無瑕清自見桂薑有性老方知明珠薏苡  
憑誰辨留取冰心答

聖時

宦海波深未有涯朋儔易散苦搏沙浮生共作辭巢燕急景難迴赴壑蛇雨挹渭城休悵別雲橫秦嶺便爲家長安西笑逢何日八月虛懷奉使槎

留別伯玉亭中丞

麟

文章報稱愧何曾三載司衡益戰兢過眼聽迷五色日盟心長鑑一條冰憶從東閣招賢地頻翦西窗話舊鐙酒海詩天塵夢遠燕雲回首感難勝

王以銘

字古彝以銜弟歸安人乾隆乙卯會元官翰林院編修

登第一山

層山窈窕削芙蓉靈秀真於此地鍾急雨聲飛晴澗水洪濤響落碧巖松鹿穿紅葉林閒去人在斜陽洞口逢竟日逍遙

渾不倦茅庵忽打暮天鐘

胡

枚字梁園石門人乾隆乙卯進士官至刑部郎中箸石友山房詩集

縣志枚性慎密值樞垣十八年口不言溫樹分校禮閣所得皆知名士視學貴州以主持風教自任

姚文田序略梁園詩溫雅無繫凌之氣其音和其趣正使讀者不問而知為君子

南巡召試許仁杰曰公長于詩學

恩賞大緞後成進士補中書擢主事視學貴州堂立一碑銘云窮極勿賄賣闕節苦極勿需索供應必極勿拋鄭文

字怒極勿凌虐諸生時以為至言

題李氏三忠遺像 有序

三忠者宜興人中丞武舟公用楫觀察我貽公來牟

侍御廷碩公欣明桂藩時在黔粵死難

賸水殘山裏西南王氣終一門扶大義萬死效孤忠瘴海墳

難盡蠻天補亦窮後來多節孝端不墜家風 中丞妹字丁氏守貞全節子焄

覓父遺骸歸葬

憶昔京輶至低徊古墓傍碑殘名不滅土淨骨猶香碧血生  
新草黃冠失故鄉於今留信史日月自爭光

孫母程節婦詩

志以冰霜厲心如金石堅薺甘忘蓼苦已閱卅餘年  
之死復之生艱危節愈貞天方存趙氏巾幗有程嬰  
有志事竟成事成願已畢相從泉下人方是全歸日

秋夜樞院直宿和趙味辛前輩韻

禁漏遙傳第幾聲銀河案戶最分明瑣窗細檢封章久玉宇  
高涵夜氣清祇愧一官容素飽敢勞前席問蒼生凱歌計日  
來三楚飲至須傾酒百觥

吳芳錡

字蘋香號馨白歸安人乾隆乙卯進士著鐵崖幼草北游詩草

兩浙輶軒續錄卷十七

胡枚吳芳錡

吳興詩話續芳綺所著甚富甲辰前編次者俱盡於火  
今所存惟北游草秋日游東林山詩云菱葉敗時堪進  
艇蘆花深處忽逢樵蓼寫秀絕

### 除夕懷二兄

尋常猶憶別況復歲將除巴峽三年客湘潭一紙書宵深街  
鼓急坐久燭花疏何日高堂譙春盤共翦蔬

### 送五弟之蜀

暫時分手已關情況是辭親萬里征年少那知行役苦家貧  
頓覺別離輕灘聲夜落黃牛峽山色晴連白帝城今夕扁舟  
何處泊霜裳應不待猿鳴

### 旅寓書懷東沈漫士孝廉

薄黏窗紙障街塵書卷茶壚寄此身嵐雪長爲邊塞客鶯花  
空負

帝城春詩情淡處吟偏苦酒價高時味益醇安得蹇驢來瘦

沈故鄉節物話鱸莼

沈

焯

字鹿坪歸安人乾隆乙卯進士官台州教授

府志焯勸士以學遠近嚮慕爲詩古文辭道整有法惜皆散佚家練市曾修練市志

留別嚴比玉佩仙

桃李春深苜蓿肥偶傷懷抱拂衣歸儒官久忝齊竽濫學術  
終慚鄭璞非忽枉新鶯求友喚故教秋燕傍人飛頻年坐擁  
談經席擬返衡茅晝掩扉

王兆正

字聖俞號鈍鐵錢塘人

杭郡詩續輯鈍鐵高材博雅于奇門遁甲諸書莫不究心尤精醫理人有所酬以周繼窮乏爲事誅茅成屋獨  
權爲垣圖書滿室嘯詠其中惜  
歿後詩稿散失無從物色矣

詰經精舍訪嚴鷗盟先生不遇卻過南屏

兩浙詩壇續錄卷十七

沈焯 王堃 魏鉞 張榮 著

霜後塵喧靜澄湖接遠天雲光過水白山影落波圓爲訪滄浪寓空回剡上船還從蕭葦外一棹破晴煙

魏

鉞字小洲之秀

杭郡詩三輯小洲嘗佐鮑以文校知不足齋叢書吳免牀校愚谷叢書其淵博可想好金石文字家貧不能多蓄然頗有異拓蜀石經毛詩殘字其一也

題顧松泉行看子

擊楫中流卷白波曠懷誰似虎頭多洪濤瞬息行千里齊魯

青青唱渡河

鼓柁黃河

作計爲歡事不難向禽心願況安移人情性惟山水省識

都從畫裏看

讀畫齋

張振采

字鑑園仁和人

題黃翠茵滌硯圖

清光散四隅微風動煙篠陰森松徑幽隔絕閒花鳥谿水聽  
潺潺一窪自環繞主人愛澄澈靜瞰雙眸瞭古硯素所藏滌  
之愈瑩皎宿墨來魚吞殘瀋灑紅蓼臨流正徘徊斜陽逗林  
杪對此興何極獨屏塵氛擾

俞作梅

字天羹仁和諸  
生著覽冬集

玉照堂卽事

煩暑之酷酷於吏火雲炎赫不可避冷性從來惡熱場何處  
林泉堪納涼玉照主人吾好友此君愛詩兼愛酒葛衣羽扇  
履輕曳夜靜柴門猶未閉埽徑延賓復送杯箕踞科頭坐石  
苔醉餘仰臥石苔上腹閒星斗相摩盪須臾客起夜色微草  
頭清露欲霑衣蛙聲兩部催人急踏影歸來月正直

魏

標

字書青號古愚仁和諸生  
著連理天香書屋詩集

杭郡詩三輯古愚績學能文從游甚眾著有湖墅志四  
卷重集百家姓及杭諺詩爲時傳誦今皆散佚惟存湖  
墅雜詩百首窮搜遠紹  
考實證謬足資掌故

湖墅雜詩錄四

清湖三牖半塘紅開濬全資玉局功怪底村氓忘俎豆蘇家  
廟獨祀黃公

東南一柱美嵒岫款識文熙蝕蘚苔節用愛人司馬筆莫因  
秋壑悵蒿萊

路人沈香太子幽廟瞻印段炳春秋如何漢敕標名鑑寺志  
還稱張印侯

紅葉經霜滿樹斑戚公橋下進舟彎泛洋湖繞秋城堞古社  
元碑訪艮山

曹

綰

字研亭海甯貢生  
著近野軒詩草

海昌備志研亭嘗與沈靜菴輩結長吟詩社  
作迎神送神曲以祭歷代詩人亦風雅士也

### 厓山恨

海水汨沒軍聲愁二十萬人厓山留丞相將軍乘海舟忠氣  
指日揮戈矛決死戰戰中流爲國死無貽羞丞相負帝帝舟  
覆將軍猶向柁頭祝吁嗟趙氏不復續太后撫膺還慟哭七  
日屍浮海上來忠魂萬古傳張陸

### 晚步村莊

田家無俗徑境靜卽山林茅舍衣冠古荒村草木深鳥嘯春  
澗路蛙鬪柳塘陰纔入桃源路塵囂已滌襟

### 馬嵬驛

倉卒蒙塵天寶年馬嵬坡下竟誰憐香魂終古埋荒驛豔骨  
千秋委翠鈿蜀道淒涼悲劒閣華清恩寵憶溫泉傾城自昔

多亡國長恨歌聲淚黯然

馬國偉

宇應篋號愚庵海鹽人著鄂韓聯吟集

縣志國偉性孝友好學工詩與弟用俊字少自隱居橫湖里日夕相倡和有棠棣連枝之瑞邑令張宗軾爲文紀其事

織婦歎

木棉花白如羊脂木棉綫輒如繭絲東家少婦當窗織夜夜  
機聲少休息三更月落漏點稀嬌兒不乳呱呱嗁欲織怕兒  
飢罷織怕無衣兩念躊躇可柰何拋兒還不拋機梭殘鐙挑  
盡不遑寐織成匹布勝綺羅蟋蟀在堂歲云暮有吏追呼促  
人去催郎抱布向市貿換得青錢了租賦送吏出門機杼空  
單衣縷縷吹霜風

枯樹灣訪何春渚先生不值

暮色涵波淨舟行興自閒秋隨殘葉到鳥逐亂雲還無賦題  
枯樹留詩綴小山伊人渺不見寂寞出柴關

秋夜蔣華隱至

佇月桐陰立良朋先月來孤燈歡永夜濁酒倒殘杯秋靜塵  
囂絕詩成圖畫開時蒙寫小峨嵋仙館圖鯉魚風信急歸棹莫相催

朱

鯉字鎮瀾海鹽人著臺江詩鈔

家傳略公幕遊臺灣適林逆破郡城奮然罵賊遂遇害

靜鑒亭月下小飲

萬籟涵虛碧方池月乍生樹深雲易合魚伏水無聲竹葉杯中滿榕陰橋外橫小亭饒靜致一鏡鑒心清

沈鼎生

字承風號東橋歸安人著竹翠谿堂吟草

鄭遵佖咸舊雜詩序東橋隱居竹墩志行高潔所居牆垣多隙漏其弟爲之補葺鑒額曰風霜中正好堅其筋

骨止之橐筆遠游愛金陵山色  
借司筆劄以忝吟眺幾二十年

### 山寺茶

幽絕精藍莫問名到門惟有老僧吟烹茶不是在山水那得  
一杯如許清

周

植

字培雲號抱雲諸暨廩生著抱雲山人稿

### 遊韜光寺

竹色迷行徑泉聲落翠微到來塵慮淨空外白雲飛坐久圓  
茶夢探幽悟道機買山尋夙約常恐此心違

陳籥南

字衡贊太平人

緝雅堂詩話衡贊佳句如一笑花片落幾回春夢  
塘魚急知潮長螢多替月涼言情體物都有才韻

### 興善堂和阮篤菴先生

從遊郭之南芳郊送春目展齒破蒼苔行行指層麓紆折渡

谿橋一桁森翠竹逢僧深樹閒風過新茶熟拂塵認題句宛  
轉試三讀吾師屈宋儔勝友亦潘陸唱和紀遊編一一遠凡  
俗時正山花開燦然丹霞谷

潘學鄒

字希孟一字嶧雲泰順歲貢

羅陽詩始先生恬靜好學年逾八十猶手不釋卷閒作古文淵穆有理致詩不多見

贈高和遠

西城郭下半依山中有高人寄興閒徧種疏梅連竹鳴多栽  
芳蕙滿松關風流君復依稀見意趣元畸伯仲閒且喜幽居  
原不遠攜尊頻許得追攀

桑廷樞

字典林號雲柯調元孫錢塘人乾隆乙卯舉人著雲柯館詩

臘八日同人集雲柯館觀明人叢聖院分書佛經石刻  
叢聖禪院江之湄壁上橫嵌前朝碑摘豪大率出名手董其

昌黃輝嚴調御李流芳尤雄奇金剛不壞本宗旨勒之貞石

千年垂豈知龍象有時替碧薜生滿荒苔基我昔呼工試椎  
拓獲此春蚓秋蛇姿珍藏不異寶瑤笈裝潢乃復施錦池良  
辰風日正暄暖開函童僕爭來窺想當書成互讚歎規摹義  
獻無忸怩維時國勢尙全盛諸公上下雲龍隨如何捐棄樂  
清淨空山競寫瞿曇詞定緣璫禍已萌槩翩然高蹈懲先幾  
後人那復知此意卽今相賞惟烏絲東坡數書養生論就中  
寄意同鉗椎風流歇絕百餘載故應珍重蟠蛟螭頗聞舊迹  
已遷徙泮宮委棄眞非宜石今在幾塘學僧寮興廢亦細事可惜妙  
墨皆殘虧安得布金重建立三日坐臥忘飢疲物理一壞不  
復整對之三歎心神悲急循故事煮豆粥淡泊較勝酒一卮  
硬黃紙滑各臨仿馥馥疑有香風吹

蘇士樞

字花農海甯人乾隆乙卯舉人官武康教諭著峨雪山房詩集

吳昂駒曰花農性嗜古凡金石書畫悉能鑑別嘗得宋石門旭所作大峨雪圖因署讀書處曰峨雪山房間秉鐸武康按求古碑及漢晉軔甚富作防風訪古記蓋武康爲防風氏國也文極淵博惜未定稿

清河決隄行

世閒溺言甚溺水巨萬生靈片刻死鯁生傷此民爲魚敢陳  
禍水所自始六月三日風雨忙鼓動狂瀾泛不止上流爲河  
下流淮袁江民命危釜底萬事援古務曲防令決千衢及百  
子並地鄉民拚身遮道哭哭訴廬墓盡在是臂血淋漓股血

腥吁嗟鑱鑿隨所指民豈不顧官怒嗔萬井身家長已矣傷  
哉提負登高原蹂躪雜遝紛如蟻爺孃妻子走相失相失猶  
堪相遇擬逃者那及溺者多馬銜逞發竹箭駛汨沒田疇三  
萬頃士女悲騰蛟鱷喜遠近聞天聲酸懷簸風散作妃呼豨

上作仆斃者半壓斃半魚腹賸有殘肌理水消四出露頽牆頽  
牆旁多白骨積賢聖人溺猶已溺此輩陸沈誰實使天陰時  
聞嗚咽聲鬼晝嚇人徒切齒聚作青燐千百走夜然水沽光  
四起我登河壩閱兼旬道逢老者猶悲涕泣訴上官釀災成  
一家眷屬半爲鬼更不平事君試聽令甲不住角城裏牽蘿  
作屋小於舟周道之旁相鱗比衛民發帑募作隄但知隄因  
水激圯長兒充役例得值殘喘取足雙弓米不填溝壑亦奚  
爲特恨桃僵代之李我聞備災立水衡天甯端賴人事弭迺  
令畫地祖白圭醫瘡剜肉甯政體縱令計急出行權合遣速  
編浮筏濟柰何補苴不到此一任游鱗割據民井里安得呪  
取洪流化爲般若湯濯醒波臣全活升斗水

倪科捷

原名世型字蓉浦海甯人乾隆乙卯舉人官德清訓導

杭郡詩三  
輒馨浦性和易不與人爭家徒四壁而聞善必舉破山巖谷間藥繁多積舊馨浦率同志集資買地為義冢葬無算復倡捐廣善堂凡有後而無力者不限一鄉悉為經理焉

嚴節母詩

徐氏嚴行大室

橐碇悲永訣驚破鏡鸞孤痛哭撫猶子全貞事舅姑艱危身獨任荼蓼味兼茹洵足輝彤史冰心皎玉壺

印以昌

字琴齋臨安人乾隆乙卯舉人官仙居教諭著琴齋雜詠

杭郡詩三輯琴齋詩文靡不工尤邃於易甲午自筮得小畜歎曰易以時止為義出何能為且是區區者何戀因乞病歸遇歉歲輒赴邑請平糶並出己米以振

引疾

冷官也有分當行引疾歸來心少縈未死不妨遊興在既衰應得宦情輕殘年雖困身難辱傲骨彌堅瘦不成病起尙須親藥物請君休笑惜餘生

李超孫

字奉暉號引樹嘉興人乾隆乙卯舉人官會稽教諭著拙守齋集

遠香詩話廣文剖析經義務為根柢之學尤深于詩著詩氏族考在會稽訓課諸生悉依雷副憲鉉學規條約

士習文風賴以日上

李廣芸序略引樹為子分校所得士其詩若文皆枕經

薛史復得漢唐來諸名家之指故皆沈厚有味無愧家源也

過曝書亭感賦

先生負才困泥滓布韞芒屨見

天子

體仁閣下賦千言

特擢詞垣稱良史京師結客皆老蒼北平東海相掄揚古藤

書屋文讌盛汪

崧何元魏坤

陸嘉淑紛騰驥胡為驟中忌者眼

潛請學士形白簡一朝放棹潞河歸三徑未荒從削剗曝書

亭子結構牢坵南坵北風篁交著錄已標八萬卷摩挲老眼  
窮秋臺轉瞬百年亭已廢槐汴菱池竟荒穢輶軒莅止爲重  
新謂學使阮芸臺先生巋然靈光屹相對流風餘韻至今存吟詩往往  
開芳尊池中菡萏亭外竹六峰翠落浮煙痕憑今思昔傾先  
輩研經博物

御題賚接踵漢唐躡宋元老而著述甘恬退同時竝稱王與  
朱池北書庫委榛墟曝書書亦散亡盡能無過此增歛歔斯  
亭存廢數非偶清時文獻推尊久造物從來最忌名如先生  
名自不朽

貞女族姑爲介石族祖第三女幼字雲閒蔡氏年十五  
而蔡氏子殤堅持貞志今蔡氏來迎姑遂歸之慘然  
有作

少小堅持志節完布衣茹素歷暄寒深閨最慘纔簪髮遠地  
終悲未撫棺倉猝捐軀成烈易幽閒秉性守貞難如今哭就  
吳淞道姊妹牽裾淚莫乾

朱瑞榕

字容叔海鹽人乾隆乙卯舉人官江山訓導著倚雲軒詩

家傳略公幼而岐嶷書卷過目成誦及授江山訓導修理學宮維持書院士風益上引疾歸里以著述自娛

上巳日同人涉園修禊海昌吳免牀外舅出楊忠愍公

獄中與鄭端簡公書贈其後人

龔和率賦

古色斑斕展素箋斯文呵護已經年縱橫字裏丹心見彷彿  
行閒碧血傳氣貫山河留片牘節垂金石賴遺編迄今已入  
延陵篋邀賞名公筆似椽

訪得滎陽後起人攜歸故物值良辰還珠合浦情偏重完璧  
連城寶愈珍軒號樸巢筵乍啟亭開喜雨景彌新永和佳話

今猶在不羨蓬池招飲頻

孫駕鼇

字潛泉海鹽人乾隆乙卯舉人官雲和訓導

登獅山

策杖獅林鳥道盤天開圖畫擅奇觀峰迴仄徑藏孤寺石擁飛泉響急湍白髮飄蕭知己少黃花幽冷入時難韜精沈飲堪終歲獨立峰頭興未闌

張躍鱗

字振之平湖人乾隆乙卯舉人著塢菴詩稿

縣志躍鱗領鄉薦後一應禮部試歸里養親不復出從祖景陽嘗輯當湖人文逸各附小傳躍鱗續之邑中抱才不遇之士賴以略存梗概又助修縣志按討之力居多

懷文菴叔

江上秋風起如何久不歸思君終夜坐涼月照書帷薄俗文章賤長貧志願違憑誰遙寄語早晚鰕魚肥

徐志堅

字謙山烏程人  
乾隆乙卯舉人

姚學塽撰哀辭志堅為文章雋傑廉悍如其為人尤工於詩多深沈之思閒出新意為詠史諸樂府與鐵崖西

涯相  
頴頴

舟過桐江釣臺

片石自千古高人安在哉扁舟此經過竟日與徘徊光武亦真主漢廷多雋才如何雙髻迹終古壓雲臺

中秋既望同姚鏡塘步月

客有同心者良宵乘興來出門踏明月隨處坐芳苔露重谿光冷風高樹影開不因衣袂薄遙夜共徘徊

董

珉

字純齋號屺厓鄞人乾隆乙卯舉人官新昌訓導著愛吾廬詩文稿

董沛曰先祖少負文譽與本生祖圖璧公齊名夙受寶東臯先生知以盤洲厚齋兄弟相期許嘉慶己未應詔上書歷詆川湖諸將帥格於浙撫不得上家居授徒著錄數百輩最精周官之學著有輯說十二卷

擬古

江河日趨海孔跼隨飛塵蓬蒿汨深軼歧路無征輪而我一寸心獨具青陽春中天有明月皎然完其眞寶鏡生寒光上無纖白雲下映十丈谿吾亦同魚馴

松柏在山古夫渠出水妍物各有所託吾人誰見憐翹首天門高章綬洵連翩處士困名山志在情已捐黃鵠游滄池奮翼薄九天白日去莽莽且飲菩提泉

安昌營大風

蓬車送我安昌營狂風吹水如立城黃埃漲地不見人古樹但聞唳鴉聲唳鴉在樹客在路落葉重重礙行步黑雲直下千丈高飛入深山作霖去乖龍不到清虛天病馬不飲長流川行天行地何日止東方皎皎月輪起

鮑上觀

字樹庵鄞人乾隆乙卯舉人官石門教諭

星橋客舍曉起

晨曦鳥聲新微光漏疏竹東林氣清暢爽然若可掬羣鳴戲  
流水沈浮閒且淑老人坐樹根呼鳴飼以穀橋西稼登場瓦  
雀赴朝啄鵲影水面來一一飛入屋我懷本孤清對此愈靜  
肅廚人猶未起且餐籬上菊

張校均

字敬亭號團橋鎮海人乾隆乙卯舉人官義烏訓導

蛟川詩繫先生少穎異讀書日十行下長益力學博觀約取以至當爲歸著有儀禮輿地井田樂律禘祫車制句股諸圖說及古今文藏於家

董沛曰蛟川耆舊續集蛟川詩繫選先生詩八首今閱其子半江大令霞泉吟稿鈔本皆半江詩也未審何以致誤茲不錄

登北城

孤城傍大海日夜與海戰北方乃無門獨立當一面城以海  
爲池海以城爲岸敵樓殷晴雷如牆激雨箭城中十萬戶相  
隔只一綫朔風動地來浪花屋角濺樓船乘潮至帆影牆頭  
見微禹吾其魚巢幕不如燕溯昔經營始基趾如何莫傳聞  
有餘地滄桑互更變徐偃走入海東京遭淪汙至今陰晦時  
城郭猶隱見矧此洪波中彈丸一小縣會當作蓬萊浮沈任  
鼇抃

### 泰安早發

目中未敢小天下腳底無緣登泰山七十二君在何處三千  
餘里來此閒高峰見日去復去膚寸出雲還不還一雨崇朝  
麥苗綠書成封禪總宜刪

倪一桂

字廣平號香雨會稽人乾隆乙卯舉人

題壁

蕭然四壁立于此見真吾鼓瑟春風暮弦詩夕月初綠落留  
鳥迹紅葉帶蟲書但使無塵事何須感索居

吳

鑒

字橋谿號艮石晚號怡雲迂叟錢塘貢生著承遺堂集怡雲詩稿

楊振鐫曰迂叟受知于賓諸城文譽日起平生好吟詠不屑規摹漢唐室屢空晏如也有斷炊詩云相與啜茗  
茗諦視惟寒難強顏作歡笑少頃各倦眠可以見其境遇矣門弟子亦多以詩傳

高生飲江將之金匱賦詩留別歌以送之

與子別既久得見生歡顏既見復言別望望憐江關江關柳

色青如故一路飛花捲春暮子行重唱望江南

飲江有留別詩

我老

那堪酬別賦賦別別情多行行歌踏歌昨日送春今送客日

斜如此別離何

同朱清泉先生蔡藕船舅氏暨蔣琴谿鍾笑谿鄒仲虎

各生過山舫看湖上新綠小顛燒筍餉客因紀以詩  
雨霽山房疊翠巒廚煙尙帶幾分寒禪參玉版如師可酒列  
匏樽盡客歡飛鳥聽鐘歸法界落花隨筆下詩壇綠陰冉冉  
幽窗外一色湖天醉眼看

葉道傳

字省三號誠齋仁和人官工部郎中

杭郡詩三輯誠齋先官郎署諸練部務章文簡公極倚重之謝事歸里越使徵課緝私多賴其力雅好施與振  
殍保赤瘞散溷卵萬千功德不可思議

李平山觀察

坦

於省城創設普濟堂紀事

集選句

濟治由賢能龕暴資神理欲濟川無梁遠圖因事止

嘉慶七年間會

建堂基未及舉行

夫子茂遠猷卽事旣多美迴迹清憲臺橫流賴君

子借問下車日藹藹卿雲被臨川哀年邁聯翩何窮已孤客

傷逝端豈意事乖已乃在城南端出沒眺樓雉

堂鄰武林門

翦棘

開舊畦朱紱威髦士

委紳士董理其事

義士多苦調瑩情無渣滓隨

風開我堂結言固終始

定規則二十八條垂諸久遠

一言分珪爵職事相

填委

公捐廉委紳士復購堂中義地

兼抱濟物性惠心奮千祀宣遊宏下濟

翻飛浙江汜德禮既普洽淑美難具紀持此感人多凝露方

泥泥廣廈構眾材受恩良不訾積善有餘慶協心毘

聖世清風激萬代眷懷在桑梓不能歌德聲載筆陪旌棨

史安節

字遜園仁和人

撒沙夫人祠

半山山半廟巍然春社橋邊集畫船豈識忠貞宜俎豆多因

瘡痍奉牲牷中興軼事憑碑記南渡幽光倩夢傳堪笑和戎

真下策鬚眉空自媿嬋娟

當時風鶴盡心驚弱質何堪獨遇兵骨委草萊歸視死沙催

驚鶴氣猶生江中不讓援桴勇井底應尋報國盟廟貌重新  
豐享祀可無歌詠送兼迎

陳培慶

字受宜海甯人  
著語海樓詩草

杭郡詩續輯受宜居峽川工詩畫  
精軒雷之書其室人倪亦能吟詠

雨望

林外雙峰冷林深一徑微鐘聲沈竹寺秋色淨柴扉野艇衝  
煙出川禽帶雨飛坐吟幽興足不妨客來稀

夏夜遣興有懷西山諸同學

良宵當此際溽暑已無侵移榻就明月開簾放竹陰樓高宜  
遠望人靜稱閒吟憶我西山友知應共素心

陳若金

號嶺梅歸安人著  
東林山人詩草

小竹里館同人對月作

共話團圓月辱軀興亦飛涼風欺病榻冷露溼秋衣四壁蟲聲碎半窗花影微良宵那易得相對且遲歸

施遇時

字輔清號芝麓孝豐諸生著粵游草

楊炳堃傳略公幼受經於李東周陸卿田廬抱經諸先生文章品節遠有師承治經好爲馬鄭之學尤邃于易尋受知于學使韓城相國補郡學弟子員乾隆癸卯易經房得卷大奇之亟首薦已入彀矣卒以爭名次被落後薛嶺南粵西佐理簿書多勛益比歸鬚鬢皤然鄉人尊事之爲丈人行書法絕似米海嶽見珍于時

春日偕甥千弟登龍堂山口占

俯瞰鱗鱗石屋低吾家更在西山西不信詩人周撲句浪傳門與白雲齊

九疑仙人萼綠華不聞服食飯胡麻山中自有垂綸老乞得天家句漏砂

春陰如墨院沈沈一頓齋廚話素心君儻能來參米汁重游

定捉夜龍吟

粵東使院與姚五

文田

夜話兼示家梅巖

十年同調等吹簾萍迹天涯各鬢絲老去功名芻狗似故人  
音問尺魚知苦耕不稔端谿硯結習難忘峴首碑一事差堪  
慰寥寂雁鴻聲裏伴吟詩

時梅巖同在  
秋農署中

客粵中答筠莊六弟家書并繫以詩

勞勞行役意種種別腸牽鷓鴣經三度津梁隔四千感時駒  
過隙念母雪盈顛除收誰知者言之一點然官清翻累戚蘭  
縛羨逃禪犵雨蠻花裏珠田桂海邊年情廬橘熟食譜荔枝  
鮮書報平安竹人依君子蓮旅懷原意足家計柰心煎輪爾  
西山下蟲魚手一編

家藏宋紹興閒米南宮真蹟長歌

蹲獅壓紙虬奔濤神龍躍入秋兔毫書家變體貴奇特海嶽  
外史真人豪惟公皓首擅章草遺帙流傳世所寶煙雲幻落  
江南春當年得自我村老莪翁昔日官揚州一琴一鶴輕於  
鷗惟留此卷看囊底精氣時燭清芬樓先子平生百無嗜八  
法鍾王劇心醉晚年乃喜寶晉書春蚓秋蛇出新意右軍高  
致篤葭莩郤王交好今所無譬如寶劍贈烈士美玉可以千  
金沽貽留至今四十年臨池輒作家學傳緬懷庭訓淚填臆  
展視歎息顛公顛此老腕底洵陡健非入聖品那能辨就中  
渴筆鋒藏稜側勒努趯參千變吁嗟古法今無存磔掠入勢  
誰能循吾家仲郢好翰墨心香一瓣差可論我思紹興康定  
去今日蒼狗浮雲幾變易世閒得失會有緣何況名流一枝  
筆君不見豪門青瑣閱滄桑幾家書畫重南邦百代興衰亦

何有健者任把龍文扛家無長物示孫子寶此珍於田十雙

陳承瓚

字宗玉號荆山肇華子金華諸生著蜀山吟稿

朱興梯傳略君嗜學有慧解善承親志處兄弟篤於友愛尊師重友喜吟詠勸子孫以勤學力農邑有善舉率捐金爲之倡足迹不入公庭義聲彰著鄉黨推之

西隴先祠

報功前代有叢祠廟食千秋峙隴西  
手埽欃槍平四郡靈鍾  
子姓枕雙谿雲積老瓦神旗動風入寒林戰馬嘶終古英靈  
桑梓地好將遺韻紀銅螭

兩浙輶軒續錄

卷十七

陳承瓚

吳

川  
三十

兩浙輶軒續錄卷十七